


正醫學正傳



新刊京板校正大字醫學正傳卷之二目錄

○瘟疫門三論

脉法

丹溪方法二條

陶氏治瘟疫法

三黃石膏湯

敗毒散

九味羌活湯

黑奴丸

神木散

附大頭天行病

東垣方法一條

二黃湯

普濟消毒飲子

井桔湯

姜蕤散

祖傳入黃散

丹溪活套

已試醫驗一條

○班彥門四論

脉法

丹溪方法九七條

消風散

葛根橘皮湯

揚毒升麻湯

玄參升麻湯

楊毒施子湯

犀角消毒飲

解毒防風湯

升麻鱉甲湯

加味羌活散

調中湯

化班湯

黑膏

大青四物湯

○內傷門五 論

補中益氣湯

升陽順氣湯

木香化滯湯

門冬清肺飲

枳木丸

白木丸

備急大黃丸

祖傳遡源散

○中暑門六 論

清早益氣湯

香薷飲

祖傳加味敗毒散

脈法

硃砂安神丸

當歸補血湯

升陽益胃湯

寬中進食丸

草薺翹

木香見現丸

丹溪保和丸

參苓白朮散

脈法

白虎湯

黃連香薷飲

丹溪方法 一條

調中益氣湯

升陽補氣湯

雙和散

白朮和胃丸

枳實導滯丸

三稜消積丸

加味二陳湯

已試醫驗 九三條

丹溪方法 九二條

益元散

十味香薷飲

生脈散

○濕證門七 論

加味二陳湯

加味五苓散

茯苓滲濕湯

丹溪活套

論

桂苓甘露飲

脈法

防己黃芪湯

除風濕羌活湯

茵陳五苓散

祖傳經驗方法

丹溪方法 九四條

甘草附子湯

羌活勝濕湯

經驗白朮酒

○燥正門八 論

瓊脂膏

地山煎

生津甘露湯

通幽湯

潤腸丸

○火熱門九 論

論

脈法

瓊玉膏

和血益氣湯

生津甘露飲

潤燥湯

丹溪方法 九一條

天門冬膏

當歸潤燥湯

辛潤緩肌湯

活血潤燥湯

丹溪方法 九二條

左金丸

石膏丸

火鬱湯

滋腎丸

紫雪

麥門冬湯

三黃丸

○鬱證門十
已試醫驗一條
論

越麴丸

升發二陳湯

○痰飲門十一
已試醫驗一條
論

燥痰星夏丸

隊痰丸

導痰湯

滾痰丸

蠲飲枳實丸

控涎丹

取荆瀝法

嗽煙筒

清金化痰丸

補陰四物湯

又丹溪方法九二
十條

嗽而有聲無痰方

嗽而有聲無痰方

嗽而有聲無痰方

大補丸

四物馬脛湯

升麻散火湯

涼膈散

妙香丸

梔子仁湯

丹溪活套

脈法

生韭飲

升陽散火湯

脈法

抑青丸

又丹溪方法九二
條

瀉陰火升陽湯

三補丸

瀉心湯

當歸龍會丸

祖傳人中白散

丹溪方法九八條

六鬱湯

火鬱湯

丹溪方法九十六條

中和丸

青蒙石丸

千緝湯

神木丸

十棗湯

半夏丸

丹溪活套

脈法

喘嗽遇冬發方

乾咳嗽治法

四物合二陳湯

嗽失音潤肺散

加味瀉白散

小胃丹

二陳湯

利膈化痰丸

黃芩利膈丸

三花神祐丸

取竹瀝法

已試醫驗一條

丹溪方法九六條

寒嗽加味二陳湯

痰因火逆治法

陰虛嗽紅治法

嗽而無聲有痰方

寒熱交作痰嗽方

○咳嗽門十二
論

嗽煙筒

清金化痰丸

補陰四物湯

又丹溪方法九二
十條

嗽而有聲無痰方

嗽而有聲無痰方

嗽而有聲無痰方

嗽而有聲無痰方

嗽而有聲無痰方

嗽而有聲無痰方

嗽而有聲無痰方

訶子收斂之功

三拗湯

加味二陳湯

祖傳經驗方

○哮喘門十三 論

葶力大寒瀉肺湯

祖傳治哮喘方九四條

○瘡證門十四 論

截瘡常山飲

溫脾散

已試醫驗一條

○霍亂門十五 論

桂苓甘露飲

瓊玉膏

溫肺湯

杏蘇散

祖傳三聖丹

脈法

濟生亭力散

脈法

截瘡七寶飲

丹溪活套

脈法

五苓散

九仙散

人參荆芥散

丹溪活套

丹溪方法九十條

瀉白散

丹溪方法九十六條

東垣方法九七條

祖傳截瘡神方九三條

丹溪方法九七條

半夏湯

漿水散

灸法九二條

理中丸

姜附湯

洗法

○泄瀉門十六 論

青六九

上瀉方

黃芪補胃湯

白朮芍藥湯

防風芍藥湯

胃風湯

已試醫驗九二條

六和湯

理中湯

丹溪活套

脈法

溫六九

脾泄丸

升陽除濕湯

茯苓湯

蒼朮防風湯

丹溪活套

漿水散

灸法九二條

丹溪方法九十一條

姜麴丸


茯苓湯

痛泄方

蒼朮芍藥湯

良方神木散

祖傳經驗方九二條



新刊京板校正大字醫學正傳卷之二

花谿恒德老人虞 搏天民編集

姪孫虞守愚惟明校正

金陵三山街書肆松亭吳江繡梓



附木頭天行病蝦蟇瘟

論

生氣通天

內經曰蒼天之氣清淨則志意治順之則陽氣固雖有賊邪弗能害也又曰冬不藏精者春必病瘟是以多感於房勞辛苦之人安樂者未之有也俗名瘟病醫書曰疫癘曰黃病嶺南閩廣等處曰瘴氣蓋指山嵐霧露煙瘴溫熱惡氣而名之也一皆觸冒四時不正之氣而為病焉傷寒論曰春應溫而反清夏應熱而反寒秋應涼而反熱冬應寒而反溫龐安常曰疫氣之發大則流行天下次則一方次則一鄉次則偏着

一家悉由氣運鬱發有勝有伏遷正退位之所致也視斯疾者其可不推運氣而治之乎陶氏曰夫疫氣之中久輕重不一仲景無治法後人用敗毒散治甚得理然亦有愈不愈者蓋疫氣有淺深資稟有壯怯怯而受穢氣之深者雖智者尚不能治况庸劣之士乎若資稟壯實所感又淺則庶幾可愈切不可作傷寒正治而大汗大下也但當從乎中治而用少陽陽明二經藥少陽小柴胡湯陽明麻葛根湯也看所中陰陽經絡脈証而以二方加減和治之殊為切當學者宜詳察之毋忽

脈法

脈陽濡弱陰弦緊更遇濕氣變為瘟疫
溫病二三日體熱腹滿頭痛食飲如故脈直而疾八日死
溫病四五日頭痛腹滿而吐脈來細而強十二日死
溫病八九日頭身不疼目不赤色不變而反利脈來牒上接

之不鼓手時大心下堅十七日死

溫病汗不出出不至定者死厥逆汗自出脈堅強急者生虛軟者死

溫病下利腹中痛甚者死

方法

丹溪曰衆人病一般者此天行時疫也治有三法宜補宜散宜降用大黃黃芩黃連人參桔梗蒼朮防風滑石香附人中黃神麩糊為丸每服五七十九丸氣虛以四君子湯下血虛以四物湯下痰多以二陳湯下熱甚者加童便謂人中糞也今人多有以糞缸中清汁頭飲一二碗病隨愈然但恐畏其臭穢不能下咽耳故丹溪所取人中糞法於今月入筒內以竹釘塞其竅投糞缸中二三箇月取出晒乾用
○陶尚文治瘟疫法
若病只在少陽經者小柴胡加防風羌活微發之而愈者

病兼陽明經者

柴葛二方合服之

小柴胡對升麻葛根湯也

若見太陽証便太便秘者以本方

柴胡也

去黃芩對五苓散

尤當看脉寒熱若無寒去桂留芍

若小便不利是膀胱本病本方加去桂五苓散

若入太陰經無熱證見者用理中湯此證必須腹痛而瀉

明日瀉止痛止仍用小柴胡和之

若入少陰經及厥陰經用陰証傷寒傳經法治之

若初看未端的且先以敗毒散治之看歸在何經再隨經

施治無不効者

若發黃小柴胡合去桂五苓散未退茯苓滲濕湯

瘟疫作渴本方加石膏知母濕溫湯蒼朮白虎湯

瘟疫發狂不識人大柴胡湯加當歸如太便秘者二黃石

膏湯柴葛湯

瘟疫昏膈滿悶本方中加枳殼橘紅黃連若太便秘不通大

柴胡湯微利之

○二黃石膏湯

石膏 三錢

黃芩

黃連

黃柏 各一錢半

枳殼 半合

麻黃 一錢

梔子 五枚

右細切作一服水二盞煎至一盞二分連進三五劑愈

○敗毒散治瘟疫四時通用

羌活

獨活

前胡

柴胡

川芎

枳殼

桔梗

白茯苓

人參 各等分 甘草 錢半

右為細末每服三錢加生姜三片水一盞半煎至一盞溫

服或沸湯點服亦可此藥治傷寒瘟疫風濕風眩四肢痛

憎寒壯熱項強睛疼不問老人小兒皆可服或嶺南煙瘴

考曰但於陰虛氣弱之
左所禁爾

之地或瘟疫時行或人多風痰或處卑濕之地脚氣痿弱
此藥不可缺也日三五服以知為度○一方加薄荷少許
每服五錢加姜水煎服

○九味羌活湯 方見傷寒門 治瘟疫初感一二日間服之取汗
而愈其効如神

○黑奴丸治溫毒發斑煩躁大渴及時行熱病六七日未得汗
脉洪大而數面赤目眩身痛大熱狂言欲定渴甚又云五
六日已上不解熱在膏中却禁不能言為壞傷寒醫所不
治棄為死人精氣已竭心下尚溫拈開其口灌藥下咽則
活

黃芩 釜底煤 芒硝 麻黃
梁上塵 小麥奴 炷突墨 各一 大黃 一兩三錢
右為細末煉蜜為丸如彈子大新汲水化服飲水足當

發寒已汗出乃瘥若時頃不汗再服一九須見微利若不
大渴不可與此藥

○大無神木散治四時瘟疫頭痛項強憎寒壯熱身痛
專主山嵐瘴氣之妙劑也

陳皮二錢 蒼朮 厚朴各一錢 甘草
石菖蒲 各一錢半 藿香

右細切作一服加生薑三片大棗一枚水一盞半煎至一
盞去粗溫服一方無菖蒲有香附一錢名神木散氣散

△附木頭天行病

○丹溪曰木頭病乃濕熱在高巔之上用羌活及酒炒黃芩酒
蒸大黃隨病加減切不可服降藥

○東垣曰陽明邪熱太甚資實少陽相火而為之也濕熱為腫
太盛為痛此邪見于頭多在兩耳前後先出皆主其病也

凡瘴氣謂山嵐瘴氣濕
致阜之氣

治法大不宜藥速則過其病所謂上熱未除中寒復生必傷人命宜用緩藥緩服徐徐少與當視其腫勢在何部分隨經處治之陽明為邪首大腫少陽為邪出於耳前後

東垣○二黃湯治大頭天行疫病

黃芩 酒製炒 黃連 酒製炒 生甘草 各等分

右細切每服三錢水一盞煎七分溫服徐徐呷之如未退用鼠粘子不拘水煎入芒硝等分亦時時少與毋令飲食在後如未已只服前藥取大便和氣已則止○前方宜各少加引經藥陽明渴加石膏少陽渴加瓜蒌根陽明行經升麻芍藥葛根甘草太陽行經甘草荆芥防風並與上藥相合用之或云頭痛酒芩口渴乾葛身痛羌活桂枝防風芍藥俱宜加之

東垣○普濟消毒飲子

泰和二年四月良多疫癘初竟憎寒吐熱体重次傳頭面腫盛目不能開上喘咽喉不利舌乾口燥俗云大頭傷寒諸藥雜治終莫能愈漸至危篤東垣曰身半已上天之氣也和熱客於心肺之間上攻頭面而為腫耳瀕用下項藥共為細末半用湯調時服之半用蜜丸噙化服盡良愈活者甚衆時人皆曰天方謂天仙所製也遂刻諸石以傳永久

黃芩 半兩 酒 黃連 半兩 酒 人參 三錢 陳皮 二錢 去白

甘草 二錢 連翹 一錢 玄參 二錢 白殭蚕 七分 炒

升麻 七分 柴胡 五分 桔梗 三分 板藍根 一錢

馬勃 一錢 鼠粘子 一錢

右為末服如上法或加防風川芎薄荷當歸身細切五錢水二盞煎至一盞半時熱服之如太便秘加酒蒸太

黃一錢或二錢以利之腫熱者以砒鍼刺之
△蝦蟇溫

○丹溪曰蝦蟇屬風熱防風通聖散加減用之或用小柴胡
加防風羌活荆芥薄荷桔梗煎服外以側柏葉搗汁調火
煨蚯蚓糞付之或用丁香尖附子尖商星醋調付之或五
葉藤車前草皆可搗付之有効

○井枯湯治冬瘟咽喉腫痛

甘草

桔梗 各等分

右細切水煎時頻呷之

○姜糖散治冬瘟頭面腫

姜糖 二錢半 石膏 一錢半 麻黃

羌活 杏仁 甘草

川芎 各半錢 乾菊花 一錢半

白微

青木香

右細切作一服水二盞煎至一盞去粗日三服

○祖傳經驗秘方人黃散治四時疫癘太頭天行等病

糞缸岸水置風露中一年速者佳

甘草 三錢 辰砂 雄黃 各一錢半

右為細末每服二錢煎薄荷桔梗湯送下日三五服煎藥

甘草桔梗茯苓藁本白朮各半錢水煎服○疫癘夏感寒

伏於小陰咽痛次必下利名曰腎傷寒宜用半夏桔梗其

草各一錢加姜五片煎服○太頭天行病從頤頰腫熱者

又名顛頰瘟東垣有方用羌活酒炒黃芩酒蒸太黃加減

水煎服十五六日服小柴胡湯不愈者仍用陳皮紫蘇發

散而愈又法酒炒黃芩黃連為君炙甘草為佐水煎細

呷之再加黍粘子酒蒸太黃煎入芒硝亦細頻與服之

微利為度腫減後去後二味只服前藥如渴屬陽明加石

膏屬少陽加瓜蒌根若陽明行經加升麻芍藥葛根甘草
太陽行經加羌活荆芥防風如頭痛加黃芩渴加葛根身
痛加羌活防風荆芥桂枝芍藥隨宜用之入上藥相合煎
服或時疫腫毒疔瘡或藏府積熱發于頭項咽嗑填塞水
漿不下或面赤脉浮洪熱甚瀉蘆湯治之升麻黃芩大黃
各一兩藍葉即大玄參各二兩煎服

○丹溪活套云衆人病一般者乃天行時疫蓋冬月閉藏之時
反行春令溫勝於寒而發泄真陰土勝水虧矣所勝者妄
行土有餘也所生者受病所勝者侮之火土相合溫熱相
聚故春來木長之時無水滋生化源故人病瘟治有三法
前春感清氣無汗惡寒為疫癘通用升麻葛根湯○春感
清氣發熱而渴不惡寒宜蒲肌湯葛根黃芩芍藥各一錢
蘇黃一錢半甘草桂枝各七分半大棗一枚水煎服○春

溫發熱咳嗽身疼口燥渴脉浮洪熱甚宜小柴胡湯加桂
枝治之咳嗽加五味子渴去半夏加瓜蒌根人參脉實渴
宜大柴胡湯下之渴加知母石膏○九溫病脉尺寸俱浮
素傷於風因而傷熱風熱相搏其證四肢不收身熱自汗
頭痛喘息發渴昏睡或體重不仁慎勿發汗汗之則謔語
煩躁目昧無睛光病在少陰厥陰二經宜萎蕤湯人參敗
毒散葛根龍膽湯小柴胡湯甚者括萎葛根湯脉浮身腫
汗出漢防已湯誤汗者防已黃芪湯○四時傷寒疫癘或
傷風有汗或風溫身腫體痛惡風口乾日晡潮熱脉實並
用人參敗毒散○夏應熱而反寒夏及秋初而為暴寒折
於盛暑熱結四肢則壯熱頭痛或寒傷於胃下利膿血或
水瀉脉實者宜下之安調中湯大黃三錢葛根黃芩等藥
各二錢

東陽李文會內子陳氏年二十九三月間得瘟疫証病三百
經水適來發熱愈甚至七八日病劇胃中氣築作痛莫能
卧衆醫技窮辭去黑夜來迎予診治病者以綿花袋盛托
背而坐于床令婢磨膏不息手六脉俱微數極而無倫次
又若艱遊狀予問曰恐下早成結胃耳主人曰未嘗下予
再思之三日而經水適來致中氣虛與下同用黃龍湯四
物湯小陷胷湯共合一劑加姜棗煎服主人曰此藥何名
予曰三合湯也下服而諸病悉減遂能卧再服熱退而病
全安愈後又因食粥太多而病復熱又作內傷屢治而用
補中益氣湯出入加減調理而愈

斑疹四附卷冊

論

內經曰少陰所致為瘍疹夫少陰所至者言君火有餘熱令
大行戊子戊午之歲也在久則心主之心火太過則制已所
勝而燒燥肺金蓋肺主皮毛故紅點如蚤之狀見於皮膚之
間心火侮而乘之之色也名曰癩疹或傷寒溫熱病而發斑
斑如錦文者名曰發斑皆熱毒之所致也其證有陽毒有陰
毒是皆冬應寒而反溫人受不正之氣故至春夏而發為斑
爛夫陽脉浮數而陰脉實大者名為溫毒或為內外結熱極
深舌卷焦黑鼻衄烟煤狂言見鬼面赤而斑爛者名為陽毒
如溫病下之太早熱氣乘虛入胃或下之太遲熱氣鬱積胃
中或醫者誤用熱藥過多胃氣熱甚及內傷熱病虛火燔灼
肺之間皆能成發斑也是故發赤斑者半生半死發黑斑者
九死一生治法用化斑湯即以湯升麻葛根湯去參升麻湯
黑膏黑奴丸之類是皆正治之法也學者宜詳察而用之

艱恐暇之誤脉法
暇遊者浮沈緩慢
無定倫之謂乎

脉法

脉陽浮而數陰實而大下火盛而表故陽脉浮數

脉多沉伏或細而散或絕無發無者血散於肌膚故脉伏

丹溪曰發斑屬氣熱挾痰而作自裏而發于外通聖散中消

息用當微汗以散之下之非理也

戴氏曰有包點而無顆粒者曰斑云發斑似傷寒痰熱之病發于外也

○有屬裏者因胃熱助于少陰火入手太陰肺也故紅點如斑生於皮毛間耳白虎瀉心調胃承氣從長選用之

○內傷發斑者胃氣極虛一身之火遊行於外所致宜補以降

○疹屬熱與痰狂肺清肺火降痰或解散出汗亦有可下者

消

戴氏曰辨小顆粒者是也隨出即沒而又出一顆者經云主乎解散汗之即愈通聖散中有息用之是也

○丹疹皆是惡毒熱血蘊蓄於命門遇君相二火合起即發也

如遇熱時以通聖等辛涼之劑解之寒月以升麻葛根等辛溫之劑解之凡丹疹先從四肢起而後入腹者死

○有乳孩因胎毒兩腋生癩後腹脹發赤診如霞片取剪刀草杵汁調原蚕沙付之而愈

○冷丹屬血風血熱用通聖散有痰血相搏用

○消風散

考曰風熱丹疹此方主

荆芥穗

甘草炙

陳皮去白

厚朴

白僵蚕炒

蟬蛻去土炒

人參

茯苓


防風

川芎

藿香

羌活各等分

右為細末每服二錢煎荆芥湯或茶清調下



元太 ○元戎葛根橘皮湯肌膚斑略冬温始發欬而心悶但嘔清

葛根 橘紅 杏仁 知母 甘草 各一分

右細切每服伍錢水一盞半煎至一盞温服

人活 ○陽毒升麻湯治傷寒一二日間身發斑爛或吐下後變成

陽毒腰背疼痛面赤狂言下利脉浮大咽痛方見傷寒門

人活 ○玄參升麻湯治發斑咽痛煩躁譫語方見傷寒門

升麻 石膏二錢 知母一錢半 杏仁七分半 柴胡一錢

人活 ○陽毒梔子湯治傷寒壯熱百即煩痛身發斑爛

升麻 梔子仁 黃芩 芍藥 各一錢

石膏二錢 知母一錢半 杏仁七分半 柴胡一錢

甘草五分 右細切作一服入姜二片香豉一百粒煎服

劑和 ○犀角消毒飲治發斑癰疹等證

犀角無犀角而用犀角者謂其功用同于犀角也可更尋

牛旁子四分 荆芥穗 防風去土各 甘草一錢

犀角一錢半另鑿為細末不分湯煎

劑和 ○鮮毒防風湯治發斑及癰疹痒痛

防風一錢半 地骨皮 黃芪 芍藥

荆芥穗 枳殼 牛旁子炒各 七分半

右細切作一服水二盞煎至一盞去粗温服

景仲 ○升麻葛根湯治傷寒陽明實熱發斑方見傷寒門

升麻 葛根 芍藥 甘草 各一分

劑和 ○陰毒升麻鱉甲湯治陰斑

升麻二錢 當歸 甘草二分 蜀椒二十粒

鱉甲炙 雄黃四分另研

右細切水二盞煎至一盞去粗調雄黃末服

○加味羌活散治感四時不正之氣發為癰疹

羌活

前胡 各一錢

桔梗

甘草 炙

枳殼 煨 炒

川芎

天麻

茯苓 各半錢

蟬蛻

薄荷 各三分

右細切作一服加生薑三片水二盞煎至三盞溫服

○調中湯治內傷外感所發陰班

蒼朮 一錢半

陳皮 一錢

砂仁

藿香

芍藥 煨

甘草 炙

桔梗 去芦

半夏 湯泡七次

白芷

羌活

枳殼 各七分 川芎 伍分

麻黃 去節

桂枝 各三分

右細切作一服加生薑三片水二大盞煎七分溫服

○化班湯治傷寒汗吐下後發斑脉伏即傷寒門白虎加入

參湯也守其類萃又加白朮水煎時七服之

○黑膏治溫毒發斑冬月大溫人受不正之氣至春發如

疫毒之氣

生地黄 半斤

香豉 一升

右二味細切以猪膏一斤合煎之取濃汁如膏用雄黃射

香如豉大內中攪和勻每服用彈子大白湯化下

○大青四物湯治瘟疫發斑

大青 四錢

阿膠 炒成珠子

甘草 炙 各一錢

香豉 一合

右細切作一服水煎服之

○祖傳經驗加味敗毒散治瘟疫及癰疹等證

羌活

獨活

前胡

柴胡

川歸

川芎

枳殼

桔梗

茯苓

人參 各五分

甘草

薄荷 各二分半

加白朮

防風

荆芥

蒼朮

芍藥

生地黄 各五分

右細切作二服加生薑三片大棗三枚水煎服此因虛而感胃風濕以致發班者服之良驗

內傷五

論

內經曰陽者天氣也主外陰者地氣也主內故陽道實陰道虛犯賊風虛邪者陽受之食飲不節起居不時者陰受之是故陽受之則入六府陰受之則入五藏此內外陰陽府藏虛實之不同也舉世醫者但見惡寒發熱頭目沉重之証更不察內外虛實便作傷寒糲糊處治輒用仲景汗下解利之法治之多死良可嘆哉我東垣先生憫生靈之天枉著內外傷辨惑論脾胃論等書一皆以扶植胃氣為本誠萬世不刊之妙典也其諄諄告誡之意屢以飲食失節勞役過傷為言而立補中益氣等湯為主治若能確守其法而行之無有不驗惜乎今之醫者多承因習之弊懵然不識機變脾脫其書而不視間有讀者不明脉候虛實不偏於此則偏於彼或遇內

糲糊漫頁

諄諄告誡
亦懇誠貌

傷挾痰與食清氣拂鬱于下濁氣填塞胃中之候驟以補中益氣等藥一試則氣滿痞塞遂謂補藥不宜於此証也決意改用汗下解利之法醫死而不之悔故王安道有內傷不足中有以餘之議此發東垣之所未發者耳學者宜潛心究察其虛實似是之非庶不夭人之天年也東垣辨內外虛實之法學者宜熟玩於胃中臨証之際庶無魯魚亥豕之訛焉抑考辯惑論曰夫外傷風寒有餘之証其發熱惡寒寒熱併作其熱也拂也發熱發於皮毛之上如羽毛之拂明其熱在皮也其口鼻氣塞不通心中煩悶不安其惡風寒也稍似裸體便不能禁雖重衣厚幕逼近烈火終不能禦其寒一時一日增加愈甚必待邪傳入裏乃已語聲重濁前輕後重高厲有力腹中和口知穀味大小便如常筋骨疼痛不能動搖手背熱手心不熱是皆外感有餘之候也其內傷飲食勞役不足

之証其發熱惡寒寒熱間作及熱也蒸蒸燥熱發於肌肉之間捫之烙手明其熱在內也其口鼻中氣短少氣不足以息其惡風寒也居露地中遇大漫風起却乃不惡惟門窓隙中些少賊風則大惡之亦必待其陰陽既和汗出則已語言困倦前重後輕氣不相續腹中不和口不知穀味大小便或閉或澹或心下痞悶或胃中如刀刺之痛手心熱手背不熱是皆內傷不足之候也以此辨之豈不如黑白之易見乎愚故畧述東垣之言以為後學之矜式耳臨証又當參攷其脈候求其有餘中之不足或不足中之有餘或外感挾內傷或內傷挾外感視其輕重而推宜用藥以施治之庶幾登東垣之堂而為當世之司命矣

脈法

東垣曰右寸氣口脈大於人迎一倍過在少陰則二倍太陰

則三倍右手三部屬三陰少陰在關主脾太陰在寸主肺肌膈大熱故脾肺二臟之脈皆緊盛也
右寸氣口脈急大而數時一代而虛謂氣虛者肺之不相接續此數食失節勞後脈過甚也○右關脾脈大而數謂獨大於數中顯緩時一夫也○右關胃脈損弱甚則隱而不見但脈沉而滑宿食不化也

丹溪曰東垣內外傷辨甚詳世之病此者為多但有挾痰者

有挾外邪者有熱鬱于內而發者皆當以補元氣為主者所挾而兼用藥氣虛甚者必少加附子以行參芪之氣挾痰者補中益氣加半夏更以竹瀝姜汁傳送
戴氏曰凡內外兼証或內傷重而外感輕者為內傷挾外感証治法宜先補益而後散邪或以補中益氣為主治加散

方垣東醫記

補中益氣湯

黃芪一錢 甘草五分 人參一錢 白朮一錢
當歸各七分 陳皮五分 升麻 柴胡各三分
右細切作一服水二盞煎至一盞去粗溫服 脾胃一虛肺氣先絕故用黃芪以益皮毛而閉腠理不令自汗也上喘氣短損其元氣用人參以補之心火乘脾用炙甘草之其溫以瀉火熱而補胃中元氣若脾胃急痛腹中急縮者宜多用之此三味除濕熱煩熱之聖藥也白朮苦甘溫除胃中熱利腰膈間血升麻柴胡苦平味之薄者升胃中之

清氣又引黃芪甘草甘溫之氣味上升能補衛氣之散解而實其表又緩帶脉之縮急用當歸以和血脉橘紅以理胃中之氣又能助陽氣上升以散滯氣助諸甘辛為用或少加黃柏以救腎水而瀉陰中之伏火也表熱者一二服氣和微汗而愈○如咽乾者加乾葛○如心刺痛乃血溢不足加當歸○如精神短少者加人參五味子○如頭痛加蔓荊子痛甚加川芎頂痛腦痛加藁本細辛○有痰加半夏生姜○如咳嗽夏加五味子麥門冬秋冬加連翹麻黃春加佛耳草款冬花冬咳肺中伏火去人參○如食不下乃胃中有寒或氣滯加青皮木香陳皮寒月更加益智草豈菴夏月更加參連秋更加枳榔砂仁○如心下痞悶加芍藥黃連○如腹脹加枳實木香砂仁厚朴天寒加生姜肉桂○如腹痛加白芍藥甘草有寒加桂心夏加黃

參乾葛芍藥冬加益智草豈菴半夏○如脇痛或縮急加柴胡甘草○如臍下痛加熟地黃不已乃是寒也加肉桂○如大便閉澀加當歸太黃○如脚軟乏力或痛加黃柏不已更加防已○如氣浮心亂以硃砂安神丸鎮固之愈
右此方加減法是飲食勞倦喜怒不節如病熱中則可用之若未傳寒中則不可用也蓋其酸適足以益其病耳如黃芪人參甘草芍藥五味子之類是也見脾胃論

○硃砂安神丸

黃連五分 硃砂一錢 酒生地黃 酒當歸身
炙甘草已上各五分

右為極細末湯浸蒸餅為丸如黍米大每服十五丸津唾嚥下食後服一方無地黃歸身用生甘草

○調中益氣湯

其脉弦洪緩而沉按之中之下得時一澁其証四肢倦怠
肢節煩疼難以屈伸身體沉重煩心不安忽肥忽瘦口失
滋味腹難舒伸太小便清利而數或上飲下便或大便澁
滯不行一二日一見夏月殮泄米穀不化或便後見血或
見白膿膏滿短氣膈噎不通或痰嗽稠粘口中沫沫食入
反出耳鳴耳聾目中溜火視物昏花努肉紅絲熱壅頭目
不得安卧者卧無勿不思飲食此藥主之

黃芪一錢

人參

甘草

蒼朮 各五分

柴胡

此味為上氣不足胃氣與脾
氣下滯乃補從陰養陽也

升麻 各二分

橘紅

如腹中氣不得
更加一分

木香 一分或二分

右細切作一服水二盞煎至一盞去粗空心溫服寧心絕
思藥必神效蓋病在四肢血脉空心在胃是也○如時顯
熱躁乃下元陰火蒸七發也加生地黄二分黃柏三分○若

太便虛坐不得或了而不了腹中逼迫血虛血澁也加當
歸身三分○如身體沉重雖小便數多亦加茯苓三分蒼
朮一錢澤瀉五分黃柏三分○如胃氣不和加半夏五分
生薑三片有嗽加生地黄二分以制半夏之毒○如痰厥
頭痛非半夏不能除此足太陰脾經所作也○如蕪燥熱
加黃柏生地黄各二分如無已上證只服前藥○如春夏
腹痛加白芍藥三分○如惡熱而滑或腹痛者更加白芍
藥五分生黃芩二分○如惡寒腹中痛加桂心三分去黃
芩名桂枝芍藥湯○如冬月腹痛不可用芍藥蓋其性之
太寒也只加乾姜一分或加半夏五七分以生薑制之○
如秋冬之月胃脉四道為衝脉所逆併脇下少陽脉二道
而反上行病名厥逆內經曰逆氣上行滿脉去形明七神
昏絕離去其形而死矣其正氣上衝咽不得息而喘息有

晉不得卧加吳茱萸五分或一錢湯泡去苦用觀厥氣多少而用○如夏月有此証為大熱也蓋此病隨四時為寒熱溫涼也宜以酒黃柏酒黃連酒知母各等分為細末熟湯為丸如梧桐子大每服二百丸白湯空心送下仍多飲熱湯服畢以時便以蒸膳壓之使不用胃中停滯直至下元以瀉衝脉之邪也大抵治飲食勞倦所得之病乃虛勞七損証也常用溫平甘多辛少之藥治之是其本法也○升陽順氣湯治因飲食不節勞役所傷腹脇滿悶短氣遇春則口淡無味遇夏雖熱猶有惡寒飢則常如飽不善食冷

物
 黃芪 一錢 半夏 六分 甘草 炙二分 草苴 四分
 神麴 炒三分 升麻 柴胡 各二分 當歸身
 陳皮 各三分 黃柏 一分半 人參 三分

右細切作一服水二盞生薑二片煎至一盞去粗食前溫服夫脾胃不足之証須用升麻柴胡苦平味之薄者陰中之陽引脾胃中清氣行於陽道及諸經生發陰陽之氣以滋春氣之和也又引黃芪人參甘草甘溫之氣味上行充實腠理使陽氣得衛外而為固也凡治脾胃之藥多以升陽補氣名之者此也

○升陽補氣湯治飲食不時飢飽勞役胃氣不足脾氣下滯氣短無力不能寒熱早飯後轉增昏悶頭要眠睡怠惰四肢不收懶倦動作五心煩熱

厚朴 姜制 升麻 羌活 白芍藥
 獨活 防風 甘草 炙 澤瀉 各五分

柴胡 一分 生地黄 七分半
 右細切作一服生薑二片大棗二枚水二盞煎至一盞去

粗食前大溫服 如腹脹及腹中窄狹加厚朴一倍 如腹中似硬加破仁三分

○當歸補血湯治肌熱燥熱因渴引飲目赤面紅晝夜不息其脈洪大而虛重按全無內經曰脈虛血虛又云血虛發熱証像白虎惟脈不長實為辨耳誤服白虎湯必死此病得之於飢困勞後

黃芪 一兩 當歸 酒洗二錢

右細切作一服水二盞煎至一盞食前溫服

○木香化滯湯治因憂食濕麵結於中脘腹皮抵痛心下痞滿不思飲食食之不散常常痞氣或胃脘當心而痛並皆治之
半夏 湯泡洗 草薹 濕麩 枳實 各七分
木香 一錢 半 枳實 各四分 柴胡 去苦 各六分
酒紅花 一分 枳實 各四分 當歸 各三分

右細切作一服水二盞生薑五片煎至一盞去粗熟服

○升陽益胃湯肺及脾胃虛則怠惰嗜卧四肢不收時值秋燥令行濕熱少退體重節痛口燥舌乾飲食無味大便不調小便頻數不欲食食不消蕪見肺病洒浙惡寒慘亡不樂面色惡而不和乃陽氣不伸故也當升陽益氣此藥主之
黃芪 一錢 半夏 人參 去苦 甘草 炙各五分

獨活 三分 防風 以三分 白朮 二分

白芍藥 何故秋旺用人參白朮芍藥之類反補肺蓋為

羌活 各三分 橘紅 二分 茯苓 渴者勿用 黃連 一分

柴胡 去苦 澤瀉 者不可用 右細切作一服生薑五片大棗一枚水二盞煎至一盞去

粗早飯後溫服 服藥後如小便罷而病加增劇是不宜利小便當去茯苓

澤瀉○如方喜食一二日不可飽食恐胃再傷以藥力尚少脾胃之氣不得轉運升發也須滋味之食或美食助其藥力益升浮之氣而滋其胃氣慎不可淡食以損藥力而助和氣之降沉也可以少後形體使胃與藥得轉運升發慎毋大勞後使氣復傷若脾胃得安靜尤佳若胃氣稍強少食加菓以助藥力經云五菓為助是也

○雙和散補血益氣治虛勞少力不熱不寒溫而有補

白芍藥一錢 黃芪 熟地黄 川芎

川歸各六分 甘草各 肉桂各四分

右細切作一服生姜三片大棗二枚水一盞半煎至一盞溫服大病後血虛氣乏者以此調治

○門冬清肺飲治脾胃虛弱氣促喘精神短少或衄血吐血等証

紫苑茸一錢 黃芪 白芍藥 甘草各七分

人參 麥門冬 當歸身各五分 五味子九粒

○寬中進食丸滋形氣喜飲食

麥蘖麩炒一兩 半夏 猪苓去黑皮各七錢 草苴蘘濕麩

神麩各五錢炒 枳實炒 橘紅各三錢 白木五錢

白茯苓 澤瀉各三錢 砂仁二錢 乾生姜

甘草各 人參 青皮各二錢 木香一錢

右為細末湯浸蒸餅為丸如梧桐子大每服三十九溫米飲送下食後服

○白朮和胃丸治病久厭七不能食而臟腑或閉或滯此胃氣

虛弱也常服則和中理氣去濕消痰和脾胃進飲食

白朮一兩 半夏湯泡 厚朴姜製各 陳皮去白

人參 五錢

甘草 多二錢

枳實 炒黃色

枳柳 各二錢半

木香 一錢半

乾生姜

右為細末湯浸蒸餅為丸如梧桐子大每服五十九丸溫米飲送下

○枳朮丸治痞滿消食強胃

白朮 二兩

枳實 炒黃色一兩

右為細末用沸湯泡青荷葉乾者頃間去葉用湯浸晚粳米杵粉以原湯煮糊為丸如梧桐子大每服五十九丸至七八丸白湯送下○本方加橘紅一兩名橘皮枳朮丸治元氣虛弱飲食不消心下痞悶○本方加炒神麴一兩炒麥蘖麴一兩名曲蘖枳朮丸治飲食大過致心腹滿悶不快○本方加木香一兩名木香枳朮丸能破滯氣消飲食開胃進食○本方加半夏一兩名半夏枳朮丸治因冷

食內傷○本方加酒炒黃連酒蒸大黃炒神麴淨橘紅各二兩黃芩四兩各三黃枳朮丸治傷肉食濕麴辛辣味厚之物填塞悶亂不快

○草薺丸治傷飲食卒心痛甚或秋冬傷寒冷之物胃脘

當心而痛上支兩脇痛膈噎不通食飲不下

草薺 麴 枳實 炒黃色 白朮 各一兩 麥蘖麴 炒黃色

半夏 湯泡洗 黃芩 去朽 神麴 炒黃色 乾生姜

橘紅 青皮 各二錢 炒鹽 五分

右為細末湯浸蒸餅為丸如菉豆大每服五十九丸白湯送下如冬月不可用黃芩歲火不及又傷冷物加以濕劑是其治也然亦有熱物傷者從權以寒藥治之隨時之宜不可不知也

○枳實導滯丸治傷濕熱之物不得施化而作痞滿悶亂不安

大黃 一兩

枳實 去殼 多炒

神麴 半兩 各

茯苓 去皮

黃芩 去朽

黃連

白木 各二錢

澤瀉 二錢

甘草 一錢

或加木香 檳榔 各二錢 名木香 導滯丸

右為細末湯浸蒸餅為丸如梧桐子大每服七八十九溫水送下食遠量強弱加減丸數以利為度

○白木丸治傷豆粉濕麴油膩之物

白木 六兩

枳實 炒

半夏 泡洗

神麴 炒 各一兩

橘紅 七錢

黃芩 五錢

白礬 枯三分

右為細末湯浸蒸餅為丸如菽豉大每服六七十丸白湯送下量所傷加減丸數因素食多用椒姜故用黃芩以之

○木香見現丸治傷生冷硬物心腹滿悶疼痛

神麴 炒

京三稜 一兩 各

石三稜 去皮 煨

草薺 麴 暴炒

香附子 各五錢 升麻

柴胡 各三錢

木香 一錢

巴豆霜 五分

右為細末湯浸蒸餅為丸如梧桐子大每服二十九白湯送下量所傷多少服之

○三稜消積丸治傷生冷硬物不能消化心腹滿悶

京三稜 煨

廣木 炒

神麴 炒 各七錢 淨青皮

巴豆 和皮米炒焦 黑去米及皮

茴香 炒

陳皮 去白 各五錢 丁香

益智 去壳 各三錢

右為細末醋調麴糊為丸如梧桐子大每服十九加至二十九生姜湯送下食前量虛實加減如更衣止後服

○備急大黃丸治心腹諸卒暴痛

大黃

巴豆 去皮膜 乾姜 各等分

右為細末煉蜜和搗為丸如小豉大每服二丸以利為度○丹溪保和丸治一切飲食所傷胃腹飽悶不安或腹中有食

積癖塊多服日漸消散脾胃虛者勿服

山查肉 五兩 神麩 炒三兩 半夏 湯泡洗 茯苓

陳皮 去白各兩 羅服子 炒 連翹 各一兩 麥蘖麩 炒一兩

右為細末別用生神麩五兩入生姜汁一小盞水調打糊

為丸如梧桐子大每服三五十九白湯或清米飲送下○

一方去麥蘖麩有白木二兩名大安丸健脾胃消食積最

効○云脾胃虛者服之虛虛之禍疾如反掌或以四君子

等作湯使送下蓋山查一物大能剋化食物若胃中無食

脾虛不運不思食者服之則剋伐脾胃之氣故云然也

○丹溪加味二陳湯導痰補脾消食行氣

橘紅 茯苓 各七分 半夏 湯泡洗 甘草 炙三分

川芎 蒼朮 白木 各八分 山查肉 一錢五分

砂仁 五分 神麩 炒七分 香附子 一錢 麥蘖麩 炒五分

右件除神麩麥蘖麩細研炒另包餘細切作一服加生姜
二片大棗一枚水二盞煎至一盞調神曲麥蘖入內服

○祖傳經驗遡源散

凡傷食物致惡寒發熱久不愈或傷寒後食諸物致食後

潮熱不已必詢問其先食何物所傷或糝粉或肉食則以

原食之物燒存性一兩重細研為末別用生韭菜連根葉

下搥杵汁調服過一二時以東垣積實導滯丸百餘粒催

下其所傷之宿食即下熱退而愈

○參苓白朮散治脾胃虛弱飲食不進或嘔吐瀉利其大病後

補助脾胃此藥極妙

人參 白朮 白茯苓 乾山藥

白扁豆 煨去壳姜汁浸 甘草 桔梗 去芦


薏苡仁 蓮肉 已上各

家傳治噤口痢用石蓮肉又加石菖蒲二兩或有氣加木香半兩

右為細末每服二錢棗湯調下噤口痢用粳米湯休息痢用砂糖湯調下又別方有縮砂二兩

社門付氏婦予族姪女也年三十歲因勞倦傷食致腰痛腹脹面黃十數日後求予治診得右手氣口脈洪盛而滑右關脈浮診虛大而滑重按則沉實左寸關亦弦滑而無力兩尺皆虛而伏予曰此中氣不足脾氣弱而不磨當補瀉兼施而治初與補中益氣湯二服次日與枳實導滯丸八十九大便去二次次日又與補中益氣湯如此補十日瀉一日二十日服補藥十數貼導滯九十數丸腹脹漸退安東陽廬廉夫善推明丹溪之醫學者也因病亦誤治年四十五時正月間因往末康路途跋涉勞倦發熱身體累痛而

頭不痛自以為外感而用九味羌活湯三貼汗出熱不退前後又服小柴胡湯五六貼熱愈甚經六日召予診視至臥榻前見煎成湯飲一盞在案問之乃大承氣湯將欲飲診其脈右三部浮洪畧弦而無方左三部畧小而亦浮軟不足予曰汝幾自殺矣此內傷虛証服此藥大下必死伊曰我平生元氣頗實素無虛損証明是外感無疑也予曰將欲作陽明內實治而下之放脈既不沉實而又無目疼鼻乾潮熱譫語等証將欲作太陽表實治而注之放脈雖浮洪而且虛又無頭痛脊強等証今經八日不應仍在其表汝欲作何經而處治之乎伊則唯上正語以補中益氣湯加附子三分作大劑與之是夜連進二服天明往診脈畧平和伊言尚未服仍謂前藥無効欲易外感退熱之藥予曰再飲前藥二服不効當罪我又如前二服脈証俱減



平伊始曰我幾誤矣去附子再煎一服與之得熱退氣和而愈予則告回其熱雖退體猶困倦俟如前自合二十餘貼服後方得強健復元而安

上湖呂氏子年三十餘九月間因勞倦發熱醫作外感治用小柴胡黃連解毒白虎等湯反加痰氣上壅狂言不識人目赤上視身熱如火衆醫伎窮八日後召予診視六脉數疾七八至又三部豁大無力左畧弦而芤予曰此病先因中氣不足又內傷寒涼之物致內虛發熱因與苦寒藥太多為陰盛膈陽之証幸元氣稍充未死耳以補中益氣加制附子二錢乾姜一錢又加大棗生姜煎服衆醫笑曰此促其死也黃昏時服一劑痰氣遂平而熱寐伊父報曰自病不寐今安卧鼾声如平時至半夜方省始識久而諸病皆減又如前再與一劑至天明時得微汗氣利而愈

中暑者

論

生氣通天論

內經曰因於暑汗煩則喘喝靜則多言素古曰靜而得之為中暑動而得之為中熱中暑者陰証中熱者陽証也曰暑熱之時無病之人或避暑於深堂大厦得之者名曰中暑其病必頭痛惡寒身形拘急肢節疼痛而煩心肌膚火熱無汗為房室之陰寒所遏使周身之陽氣不得伸越大順散等熱藥主之若行人或農夫於日中勞役得之者名曰中熱其病必苦頭痛發躁熱惡熱捫之肌膚大熱必大渴引飲汗大泄無氣以動乃為天熱外傷肺氣蒼木白虎等涼劑主之王安道曰暑熱之氣一也皆夏月中傷其邪而為病焉豈以一暑熱分為陰陽二証而名之耶其避暑於深堂大厦及恣食藏冰瓜菓寒涼之物正經所謂口得寒物身犯寒氣之病耳自當同

秋冬即病陰証傷寒處治不可名中暑也此論固是抑亦有未悉之旨也與愚按仲景傷寒論中一証曰中暈即中暑也虛而微弱煩渴引飲體熱自汗此蓋得勞役體虛而暑邪干衛之候是宜東垣清暑益氣湯等補益之劑治之而愈一証曰熱病即中熱也脈洪而緊盛頭疼身熱口燥心煩此蓋得之於冬感寒邪鬱積至夏而發乃挾暑而成大熱之候是宜黃連白虎解毒等湯清涼之劑調之而愈曰中暑者陰証內傷之為病也曰中熱者陽証外感之為病也曰陰曰陽豈不於斯而明辨之乎學者宜再思之

脈法

經曰脈虛身熱得之傷暑

脈弦細孔遲

傷暑共脈弦細孔遲何也內經曰寒傷暑共傷氣而傷形則氣消而脈虛亦謂中暑脈虛細弱暑脈虛可知疑

脈虛而微弱或浮大而散或隱不見微弱隱伏皆虛類也

方法丹溪方法

丹溪曰夏月陽氣盡出於地人之腹屬地氣陽氣於此時浮於肌表腹中之陰虛矣夏月伏陰在內此陰字有虛之義看作陰冷看誤矣古人治暑有用大順散等劑蓋以涼亭水閣寒涼水雪之傷不用溫劑病何由安非為伏陰而用也火令之時流金燄石何陰冷之有孫真人製生脈散令人夏月服之非虛而何

○暑証用黃連香薷飲清暑益氣湯五苓散等藥有挾痰者加南星半夏之類挾虛者加人參黃芪之類

戴氏曰暑有冒有傷有中三者輕重之分或腹痛水瀉者胃與木腸受之惡心者胃口有痰飲二者冒暑也可用黃連香薷飲黃連退熱香薷消暑氣或身熱頭疼躁亂不寧者或身如

針刺者此為熱傷在肉分也當以解毒白虎等湯加柴胡氣
虛加人參或咳嗽發寒熱盜汗出不止脈微者熱在肺經火
乘金也此為中暑宜用清肺湯柴胡天水散之類急治則可
○清暑益氣湯治長夏濕熱大勝人感之多四肢困倦精神短
少懶於動作胃滿氣促肢節煩疼或氣高而短身熱而煩心
下痞滿小便黃而數大便溏而頻或泄黃如糜或如泔色或
渴或不渴不思飲食自汗體重或汗少者血先病而氣未病
也其脈中得洪緩若濕熱相搏必加之以遲七病雖互換少
差其脈暑濕全則一也宜以清燥之劑治之

黃芪汗少一錢 蒼木各一錢半 升麻一錢 人參
白朮 陳皮 神麩炒 澤瀉各五分
甘草炙 黃柏酒浸炒 川歸 青皮
麥門冬去心 乾葛各三分 五味子九枚

右細切作一服水二盞煎至一盞去粗溫服

仲景
○白虎湯治暑熱發渴

河間
○益元散一名天小散治中暑身熱煩渴小便不利此藥能
燥濕分利水道實大腑化熱毒行積滯逐凝血補脾胃降
火之要藥也方見利門

局方
○香薷飲治一切暑熱腹痛霍亂吐利煩心等証

香薷三錢 厚朴姜制 白扁豆炒各一錢半

右細切作一服水二盞煎七分去粗溫服

扁
○黃連香薷飲治証同前以前方去扁豆加黃連七分半也

○十味香薷飲

香薷一錢 人參 陳皮 白朮
白茯苓 白扁豆 黃芪 木瓜
厚朴 甘草炙各半

右細切作一服水二盞煎至一盞去粗溫服

桂苓甘露飲治伏暑發渴脉虛

桂心 人参 黄芪 茯苓

白朮 甘草 葛根 澤瀉

石膏 寒水石 滑石 木香 一錢

右為細末每服三錢白湯調下

○五苓散 方見傷寒門 本方加茵陳名茵陳五苓散治濕熱發

熱黃証最捷

甘草 乾姜 杏仁 肉桂 各等分

右先將甘草用白砂同炒次入姜却下杏仁炒過篩去砂

同桂研為細末每服二錢白湯調下

王安道曰大順散本為胃暑伏熱引飲過多脾胃受濕嘔

吐水穀不分藏府不調所立故甘草乾姜皆經火炒又肉桂而非桂枝蓋溫中藥也內有杏仁不過取其能下氣耳

○生脉散

人参 五味子 麥門冬 各等分

右細切水煎夏月時代熟水飲之孫真人曰夏月必服

五味子以補五藏氣東垣曰夏月服生脉散加黃芪甘草

令入氣力湧出

○祖傳經驗秘方

凡人夏月衝斥道途或於田野中務農作勞或肥白氣虛之人不能抵當暑熱忽然昏悶運仆其氣將絕如在日中即當移病者於陰處徐徐以溫湯水灌之如未甦急灸氣

海穴以復其元氣醒後以太劑滋補之藥補之切不可灌以涼水即死

愚按內經有曰陽氣者煩勞則張精絕辟積于夏使人煎厥目盲不可以視耳閉不可以聽慣々平若壞都汨々平不可止是則中暑運厥之候也

濕証

論

內經曰諸濕腫滿皆屬脾土又曰濕勝則濡泄地之濕氣感則害人皮肉筋脉原病式曰諸瘕強直積飲痞膈中滿霍亂吐下體重跗腫肉如泥按之不起皆屬於濕夫濕之為病所感不同有從外感而得之者有從內傷而得之者若居處卑濕之地或快道途衝斥風雨或動作辛苦人汗沾衣皆濕從外感者也或恣飲酒漿醱酪多食柑橘瓜菓之類皆濕從內

至真要大論

原病式附字アリ不知是作也

傷者也大抵宜發汗及利小便使上下分消其濕是其治也經又曰因於濕首如裹濕熱不攘太筋繆短小筋弛長繆短為拘弛長為痿因於氣為腫四維相代陽氣乃竭丹溪釋曰濕者土之濁氣也為諸陽之會其位高其氣清其體虛故聰明係焉濁氣薰蒸清道不通故沉重不利似乎有物蒙之失而不治濕鬱為熱七番不下熱傷血不能養筋故為拘攣濕傷筋不能束骨故為痿弱王註曰素常氣疾濕熱加之氣濕熱爭故為腫也邪氣漸盛正氣漸微陽氣衰少致邪代正氣不宣通故四維發腫諸陽受氣於四肢也但今人見膝間關節腫痛全以為風治者多誤矣李者詳之

脉法

脉經曰濕家為病一身盡疼發熱而身似薰黃也脉浮而緩濕在表也脉沉而緩濕在裏也或弦而緩或緩

而浮皆風濕相搏也

方法

丹溪曰六氣之中濕熱為病十居八九

濕在宜微汗而解經曰濕上甚而熱治以苦溫佐以甘辛以汗為効而止也不欲汗多故不用麻黃乾葛等劑濕在中下宜利小便此淡滲滲濕也云濕在下宜升提濕有自外而入者有自內得者陰雨濕地皆從外治宜汗散久則疎通滲泄之

蒼木治濕上下部都可用一云上焦濕用蒼木其功甚烈

○二陳湯加酒芩羌活蒼木木通散風行濕最妙

○金匱防已黃芪湯治風濕脈浮身重汗出惡風或周身疼痛

防已三錢 甘草一錢半 白朮二錢 黃芪三錢半

右細切作服加生薑二片大棗二枚水一大盞煎至一

盞去粗溫服○喘者加麻黃○胃氣不和加芍藥○氣上

衝加桂枝○下有寒加細辛○濕勝身重陽微中風則汗

出惡風故用黃芪炙甘草以實表防已白朮以勝濕

○甘草附子湯治風濕相搏骨節煩疼掣痛不得屈伸近之

則痛劇汗出短氣小便不利惡風不欲坐或身微腫而

痛者

甘草炙二錢 附子一錢半 白朮二錢 桂枝四錢

右細切作服水煎金匱方無桂枝加生薑大棗名白朮

附子湯

○加味五苓散治濕勝身痛小便不利身重發渴者

本方中加羌活一倍是也

○除風濕羌活湯治風濕相搏一身盡痛

羌活七分 防風 升麻 柴胡各五分

東垣

葶藶 各一錢

右細切作一服水二盞煎至一盞去粗溫服

東

○羌活勝濕湯治有背痛不可回顧此手太陽氣鬱而不行以風藥散之脊痛項強腰似折項似拔此足太陽經不通行此藥主之

羌活 獨活 各一錢 葶藶本 防風

甘草 各五分 蔓荊子 三分

右細切作一服水二盞煎至一盞去粗大溫服食前如

身重腰痛沉沉然經中有寒濕也加酒洗漢防已五分輕者附子五分重者川烏五分

東

○茯苓滲濕湯治濕鬱成黃疸寒熱嘔吐而渴身體面目俱黃小便不利不思飲食莫能安臥

黃連 防已

黃芩 梔子

枳實 各四分 赤茯苓 澤瀉 各五分 茵陳 六分

白木 蒼木

扁

○茵陳五苓散治濕熱大勝黃疸發熱五苓散內加茵陳一倍即是也

家

○經驗白木酒治中濕遍身疼痛不能轉側及皮肉痛難著

右細切作一服無灰老酒一盞半煎至一盞去粗溫服

丹溪活食云濕本為土氣火熱則能生濕土故夏熱則萬物濕潤秋涼則萬物乾燥夫熱而拂鬱則生濕也因濕生痰故用二陳湯加酒芍羌活防風去風行濕蓋風藥能勝濕也大抵治濕宜利小便為上策故曰治濕不利小便非其

治也。○如一身盡痛或無汗是濕流關節邪氣在表宜五
苓散加羌活蒼朮以微汗之不可大汗恐汗去而虛濕仍
在也。若自汗多者宜白朮甘草湯。○若小便自利清白水
便泄瀉身痛自汗此為寒濕宜五苓散加生附蒼朮木瓜
○如風濕身痛微腫惡風宜杏仁湯官桂五錢天門冬芍
藥麻黃各二錢半杏仁七箇水三盞姜十片煎分二服。○
又治濕消腫脹利小便健脾胃葶藶木香散葶藶子茯苓
猪苓白朮各一兩木香澤瀉木通甘草桂枝各半兩滑石
二兩為末湯調服。○然已上諸方乃畧示其端倪耳全在
活法加減而用之不可執一論也。夫治濕者固當以二朮
為君以補脾為主治然亦有濕盛氣滿膨脹者又當以利
水行氣為先補脾藥又未可遽用或以二朮為君而利水
藥為臣使或以朮通澤瀉葶藶車前子等利水藥為君而

倪

以茯苓白朮人參等補脾藥為臣使有本而標之者亦有
標而本之者看緩急而施治則方幸萬全之功可立而待
也。

燥証

論
內經曰諸濕枯涸乾勁皴揭皆屬於燥原病式曰經云風熱
火同陽也寒燥濕同陰也又燥濕少異也然燥金肺屬秋陰
而異乎寒濕故反同其風熱也故火熱勝則金衰而風生緣
風能勝濕熱能耗液而反寒陽實陰虛則風熱勝于水濕而
為燥也凡風病多因熱甚而風燥者為其無化以熱為其
主也蓋肝主筋而風氣自甚又燥熱加之則筋大燥也燥
金主於收斂其脈緊澁故為病勁強緊急而口噤也或病燥
熱太甚而脾胃乾涸成消渴者或風熱燥甚佛齶在表而裏

氣平者或善伸數欠筋脉拘急或時惡寒筋惕而搐又或風熱燥併而鬱甚于裏故煩滿而或秘結也及風癰之發作者由熱甚而風燥為其蕪化涎溢膏腠燥燥而癩瘰皆胃僵化也凡此諸証皆由熱甚而生風燥病各有異者由風熱燥各徵甚不等故也所謂中風筋緩者因其風熱勝濕而為燥之甚也然筋緩不收而痿痺故諸腫鬱病痿皆屬於肺金乃燥之化也如秋深燥甚則草木萎落而不收病之象也是以掌得血而能持足得血而能步夫燥之為病者血液衰少不能榮養百骸故有是也李者不可不知

脉法

脉緊而澁

或浮而弦

或乳而虛

脈虛之脈虛血虛之脈也

方法

丹溪曰皮膚皴揭折裂血出大痛或肌膚燥痒皆火燥肺金

燥之甚也宜以四物湯去川芎加麥門冬人參天花粉黃栢五味子之類治之

肥下皆

○瓊脂膏治血虛皮膚枯燥及消渴等証

生地黄

二十斤洗淨細搗取真汁去粗

鹿角膠

一斤

白沙蜜

二斤煎去沫

真酥油

一斤

右先以文武火熬地黃汁數沸以絹濾取淨汁又煎二十沸下鹿角膠次下酥油及蜜同煎良久候稠如餠以磁器收貯每服一二匙空心溫酒調下

○瓊玉膏治證同前及肺熱咳嗽甚者方見咳嗽門

○天門冬膏治血虛肺燥皮膚折裂及肺痿咳膿血証

天門冬 新掘者不拘多少

右一味靜洗去皮心細搗絞取汁澄清以布濾去粗滓用銀鍋或沙鍋慢火熬成膏每用一二匙空心溫酒調服

銀鍋或沙鍋慢火熬成膏每用一二匙空心溫酒調服

地仙煎治諸燥証

山藥一斤去杏仁一斤去生牛乳汁二升

右件將杏仁研細入牛乳山藥拌勻絞取汁用新磁瓶密

封重湯煮一日每服一二匙空心溫酒或湯調下

和血益氣湯治口燥舌乾便數舌上赤脉此藥生津液除

乾燥生肌肉方見消渴門

當歸潤燥湯治消渴大便秘澁乾燥結硬兼喜溫飲陰頭

退縮舌燥口乾眼澁難開等証方見消渴門

生津甘露湯一名清涼子治消中能食而瘦口舌乾燥自汗大

便結燥小便頻數方見消渴門

生津甘露飲子治消渴諸燥証方見消渴門

辛潤緩肌湯治諸燥肌渴及皮膚燥澁等証方見消渴門

潤燥湯治大便燥結腸胃枯涸等証

東垣○潤腸丸治大便乾燥閉結不通潤燥和血

東垣○活血潤燥丸治大便風秘血秘常燥結

東垣○潤腸湯治大腸結燥不通已上五方並見大便燥結門

通幽湯治大便結燥治在幽門以辛潤之

予仲兄懷德處十年四十五平生體瘦弱血少值庚子年

歲金太過至秋深燥金用事久晴不雨得燥証皮膚拆

裂手足枯燥搔之瘡起血出痛楚十指甲厚反而莫能

搔痒予製一方名生血潤膚飲服數十貼其病如脫後

治十數人皆驗

家傳

○生血潤膚飲

川歸 生地黃 熟地黃 黃芪 各一錢

天門冬半錢 麥門冬去心 五味子九粒 片苓去粉 酒洗

括萎仁五分 桃仁泥五分 酒紅花分 升麻二分

右細切作一服水二盞煎至一盞溫服如大便結燥加麻仁郁李仁各一錢

火乾九

論

內經曰諸熱瞀瘵暴瘖冒昧燥擾狂越罵詈驚駭肘腫疼瘰氣逆衝上禁慄如喪神守噤嘔瘡瘍喉痺耳鳴耳聾嘔湧嗝噎食不下目昧不明暴注暈瘵暴病暴死皆屬於火丹溪曰本極動而生陽靜而生陰陽動而變陰靜而合而生水木金土各一其性惟火有二曰君火人火也曰相火天火也火內陰而外陽主乎動者也故凡動皆屬火以名而言形質相生配於五行故謂之君以位而言生於虛無守位稟命因動而見故謂之相火主生物故恒於動人有此生亦恒於動其所以恒於動者皆相火之為也云云又曰五者之性為物所感

在天別為三氣
在火成於金木
水火土和氣
相感而化生
五物

後如紹
攪亂之

近謂論
解精微論

中庸曰子曰射
有似乎君子失
諸正鵠及求
諸其身
注蓋布且止
棲皮曰鵠皆
候之中射之
劍也

不能不動謂之動者即內經五火也相火易起五性厥陽之火相窮則妄動矣火起於妄變化莫測無時不有煎熬真陰陰虛則病陰絕則死愚按心為君火而又有相火寄於肝腎二藏即內經一水不能勝二火也五性之火為物所感而動即內經一水不能勝五火也夫五行之理天人所同知乎此則造化陰陽洞明於骨髓之間又能約知其火邪之虛實或補或瀉用藥以平之則愈疾之功如射之中鵠矣孝者其可忽諸

脈法

脈浮而洪數為虛火 脈沉而實大為實火
洪數見於左寸為心火見於右寸為肺火見於左關為肝火
右關為脾火兩尺為腎經命門之火 男子兩尺洪大者必遺精陰火盛也

通評虛實論
亦有盛則實
精氣奪則虛

方法 冊溪方法九
二十一條

丹溪曰陰虛火動者難治

實火可瀉黃連解毒之類○虛火可補參朮生甘草之類

謂之實者邪氣實也○鬱火可發當看其在何經○風寒外

束者可發輕者可降重則從其性而升之

凡火盛者不可驟用寒涼必須溫散

火急甚者必緩之生甘草煎瀉黃參朮亦可

人壯氣實火盛顛狂者可用正治稍黃水水之類

人虛火盛狂者以生薑湯與之若投以冰水之類

正治立死

有補陰則火自降炒黃柏熟地黃之類

凡氣有餘便是火氣從左邊發者肝火也氣從臍下起者

陰火也愚按氣有餘者非真氣也五志厥陽之火動而為即氣也

綱目云東垣曰身
契有五不同論
有五藏有邪各
有身契其狀
各異以手捫
摸有三法以輕
手捫之則契
重按之則不
契是契在皮
毛血脈也重按
至筋骨之
令則契若手
極其輕手按
則不契是邪
在筋骨間也
輕手捫之則不
契重手按之則
契不重人有氣
如矢從脚下起
入腹者此虛極
也蓋火起於九
泉

飲酒人發熱者難治不飲酒人因酒發熱者亦難治

輕手按之熱甚重手按之不甚此熱在肌表宜清之地骨

皮麥門冬竹筴之類

重手按之熱甚而烙等輕手按之不竟熱此病在肌肉之

內宜發之東垣升陽散火湯火鬱湯之類

煩燥者氣隨火升也

木通下行瀉小腸火人中白瀉肝火尿澀岸也

黃芩黃連以豬膽汁拌炒能瀉肝膽之火秋石亦是

黃柏加細辛瀉膀胱之火

青代能瀉五藏之鬱火玄參能瀉無根之遊火

小便降火極速山梔子能降火從小便中泄去其性能屈

曲下行人所不知

醫家正傳

卷之三

三十五

在筋骨之上皮
毛血脈之下是
熱在肌肉也
此為三法以三
黃丸通治之

之下也此病十不救二治法以四物湯加降火藥服之
外以附子末津調貼脚心湧泉穴以引火下行愚按此
有未悉者如果勞怯陰虛之人有此固當作陰虛治若
壯實之人有此則是濕鬱成熱之候也愚嘗冒雨徒行
衣濕得此証以蒼朮黃柏加牛膝防已等藥作丸服之
而愈後累醫數人皆驗若誤作陰虛治即成痿証劇矣

○左金丸一名回治肝火
黃連六兩 吳茱萸一兩湯泡浸半時許焙乾用

○大補丸治陰火
右為細末粥丸煎白朮陳皮湯下

黃栢去粗皮細切用新
煎盛鹽酒炒渴色
右為細末粥丸或水丸煎四物湯送下又云氣虛四君子
湯送下血虛四物湯送下

○柳青丸治肝火
黃連不拘 為細末粥丸白湯送下

○石膏丸瀉胃火併食積痰火
石膏煨為細末醋丸景豈大清米飲送下

○四物湯加白馬脛骨降陰火代參連用

○陰虛發熱四物湯加炒黃栢酒知母乃降火補陰之妙劑甚
者加龜板蕪氣虛加參芪白朮

肥上見方規○手心熱屬熱鬱當用火鬱湯或用梳子香附白芷半
夏川芎麩糊為丸服

垣東○火鬱湯治四肢熱及五心煩熱因熱伏土中或血虛得之
或胃虛多食冷物抑遏陽氣於脾土之中

羌活 升麻 蒼根 芍藥
人參各七分 柴胡 甘草生各三分 防風
葱白五莖

右細切作一服水一盞半煎至一盞稍熱服

垣東 ○升陽散火湯治男子婦人四肢發困熱筋骨間熱肌表熱如
火燎捫之烙手此病多因血虛而得之或胃虛過食冷物
鬱遏陽氣於脾土之中火鬱則發之

升麻

葛根

獨活

羌活

白芍藥

人參各六分

炙甘草一分

柴胡三分

防風三分半

生甘草二分

右細切作一服加生姜三片水一盞半煎至一盞熱服忌

生冷葷物

垣東 ○瀉陰火升陽湯治肌熱頭熱面赤食少喘咳痰盛右關脉

緩弱或弦或浮而數

羌活

甘草

黃芪

蒼朮

升麻八分

柴胡一錢半

人參

黃芩

黃連酒炒五分石膏各五分勿用

右細切作一服水一盞煎至一盞溫服

垣東 ○滋腎丸降腎火

黃柏兩酒

知母兩酒

肉桂一錢去

右二味氣味俱陰以同腎氣故能補腎而瀉下焦火也桂

與火和同體故以寒因熱用凡諸病在下焦皆不渴也右

為細末以熟水丸百沸湯下

間河 ○涼膈散

大黃

朴硝

甘草

連翹

梔子

黃芩

薄荷

淡竹葉

右細切作一服水一盞煎至八分去粗入蜜一匙和勻服

間河 ○三補丸瀉三焦火

黃芩

黃連

黃柏

右為細末新汲水丸服

方局 ○紫雪治內外煩熱不解口中生瘡顛狂吐走解諸熱毒邪

熱小兒驚癇等証

黃芩 百兩 寒水石 磁石 石膏

滑石 各二斤 已上用冰一石煮至四斗去粗入下項藥

甘草 各八兩 青木香 生犀角屑 羚羊角屑

沉香 各五兩 丁香 一兩 升麻 玄參 各一斤

硝石 二斤 亦可朴硝十斤 擇已上入煎藥汁中微火煎柳枝不

佳手撈候看七片投放水盆中半

日入下項藥攪令勻

硃砂 三兩 當門子 兩 射香 一錢 右煎成霜雪紫色每服一錢或二錢凉水調下大人小兒

方局 ○妙香丸治時疫傷寒解五毒潮熱積熱及小兒驚癇等証

巴豆 取淨三粒 牛黃 片腦 膩粉

射香 各七錢 辰砂 九兩 金鉞 九十片

右研極細煉蠟六兩入蜜七錢半同煉令勻每兩作二十丸每服一丸小兒菴豆大二丸白湯下○按萃方無金箔

有銀硃砂治久遠成積煉按礱砂不可輕用製

方局 ○瀉心湯治心經蘊熱

右以黃連一味為細末水調服之

○千金麥門冬湯治諸病後火熱乘肺欬唾有血胃腸脹滿上

氣喘急羸瘦五心煩熱渴而煩悶

麥門冬 桑白皮 生地黄 各七半 夏 紫苑茸 桔梗 淡竹葉 麻黃 各五分

五味子

甘草各三分

右細切作一服加生姜二片水一盞半煎至一盞溫服
愚按此方曰病後大熱乘肺麻黃其可用乎曰渴而煩悶
半夏亦不可用也宜法此二味加貝母天門冬方為穩當
也

問

○梔子仁湯治發熱潮熱發狂煩燥面赤咽痛

梔子仁

赤芍藥

大青

知母各五分

升麻

黃芩

石膏各一錢

杏仁七分半

柴胡二錢

生甘草一錢

豆豉五十粒

右細切水二盞煎八分去粗溫服

問

○當歸龍薈丸治腎水陰虛風熱蘊積時發驚悸筋惕搐搦
神昏不寧榮衛壅滯頭目昏眩肌肉瞤瘈胃膈咽噎不利
腸胃燥溢躁擾狂越罵詈驚駭火熱等証

當歸

草龍胆

梔子

黃連

黃柏

黃芩各一兩

大黃

青黛

蘆薈各半兩 木香一錢

射香五分

右為細末煉蜜丸如小豆大每服二十九丸姜湯送下

問

○三黃丸治三焦火盛消渴不生肌肉

大黃

黃連

黃芩

右為細末煉蜜丸如小豆大每服五丸漸加至十丸白湯
送下服至一月行及奔馬

○

丹溪活套云凡去上焦濕熱須酒洗黃芩以瀉肺火如肺有
實熱宜用如虛熱而用黃芩則傷肺氣須先用天門冬保
定肺氣然後用之○如去中焦濕熱腹痛須用黃連以瀉
心火若中焦有實熱宜用若脾胃氣虛不得轉運及中焦
有鬱熱者當用茯苓白朮黃芩葛根代之○如胸中煩熱

須用梔子實熱者切當忌虛煩須用補藥為主入參白朮黃芩芍藥茯苓麥門冬大棗之類。如下焦有濕熱腫痛併膀胱有火和者須用酒洗防已草龍胆黃柏知母之類固是捷藥若肥白人氣虛者宜用白朮蒼朮南星滑石茯苓之類。○如黑瘦之人下焦有濕熱腫痛者必用當歸紅花桃仁牛膝棋榔等藥。○柴胡瀉肝火須用片苓佐之片苓又能瀉肺火須用桑白皮佐之若鼠尾者能瀉大腸之火。○黃連瀉心火若用猪膽汁拌炒更以草龍胆佐之能瀉膽中之火。○白芍藥瀉脾火若冬月用必以酒浸炒蓋其性之酸寒也。○知母黃柏瀉腎火又瀉膀胱之火。○梔子瀉三焦之火在上中二焦連壳用在下焦須去壳水洗去黃漿炒焦色研細用之人中白非獨瀉肝火又能瀉三焦火及膀胱之火從小便中出蓋膀胱乃此物之故道也。

○祖傳經驗秘方人中白散治陰虛火盛及五心煩熱等証

人中白兩 黃柏鹽酒拌 生甘草 青代各五錢

右為細末每服二錢童子小便調服

○駱氏婦年四十餘夜間發熱早晨退五心煩熱無休止時半年後求予治六脉皆數伏而且牢浮取全不應予與東垣升陽散火湯四貼而熱減大半胸中竟清快勝前再與二貼熱悉退後以四物湯加知母黃柏少佐以炒乾姜服二十餘貼全安

樹爵証

論

內經曰木鬱達之火鬱發之土鬱奪之金鬱泄之水鬱折之張子和曰木鬱達之謂吐之今其條達也火鬱發之謂汗之今其疎散也土鬱奪之謂下之今無壅礙也金鬱泄之謂滲

六元平氣之論

醫藥正傳

卷之二

三十九

此方乃祖傳秘方... 人中白... 黃柏... 生甘草... 青代... 各五錢... 此方乃祖傳秘方... 人中白... 黃柏... 生甘草... 青代... 各五錢... 此方乃祖傳秘方... 人中白... 黃柏... 生甘草... 青代... 各五錢...

泄鮮表利小便也水鬱折謂抑之制其衝逆也此治五鬱之大要耳我丹溪先生觸類而長之而又著為六鬱之証所謂氣血冲和百病不生一有佛鬱諸病生焉此發前人之所未發者也夫所謂六鬱者氣濕熱痰血食六者是也或七情之抑遏或寒熱之交侵故為九氣佛鬱之候或兩濕之侵凌或酒漿之積聚故為留飲濕鬱之疾又如熱鬱而成痰吐鬱而成癖血鬱而成癥食鬱而成痞滿此必然之理也又氣鬱而濕滯濕滯而成熱吐鬱而成痰痰滯而血不行血滯而食不消化此六者皆相因而為病者也是以治法皆當以順氣為先消積次之故藥中多因香附撫芎之類至理存焉李者宜知此意

脉法

脉多沉伏氣鬱則必沉而瀦濕鬱則脉必沉而緩熱鬱脉必沉數痰鬱脉必弦滑血鬱脉必乳而結促食鬱脉必滑而

必沉數痰鬱脉必弦滑血鬱脉必乳而結促食鬱脉必滑而緊盛鬱在上則見于寸鬱在中則見于關鬱在下則見于尺左右亦然鬱脉或促或結或代滑氏診家樞要曰氣血食積痰飲一有留滯於其間脉必因乏而止節矣但當求其有神何害之有夫所謂有神者即經所謂有中氣也

方法

丹溪曰氣血冲和百病不生一有佛鬱諸病生焉其証有六曰氣鬱曰濕鬱曰熱鬱曰痰鬱曰血鬱曰食鬱氣鬱脇痛脉沉香附此味能橫行胃臆間必用童便浸焙乾用否則燥

蒼朮

撫芎即鹿芎行故能散鬱也

濕鬱戴氏曰周身寒則發脉沉

執戴氏曰目昏小 蒼木

痰戴氏曰動則喘 滑

血戴氏曰四肢無 沉

瓜婁子

食戴氏曰平酸腹 攪

川芎

針砂鈎 醋炒

香附

或保和丸

諸藥春加防風夏加苦參秋冬加吳茱萸

凡藥在中焦以蒼木枏芳開提其氣以升之假令食在氣上

氣升則食降餘做此

白芷

川芎

茯苓

梔子

青黛

香附

撫芎

海石

香附

南星

桃仁

紅花

青代

香附

肥者當飽

蒼木

山查

神麩

○越麩丸越音戈細麩也 能解諸鬱

神麩炒

香附童便浸

蒼木

川芎

越梔梔子炒

○生韭飲治食鬱久則胃脘有瘀血作痛大能開提氣血

生韭葉一搥搗取自

右先以生桃仁連皮細嚼十數箇後以韭汁送下

○六鬱湯解諸鬱

陳皮去白

半夏湯泡

蒼木米泔

撫芎各一錢

赤茯苓

梔子炒各

香附二錢

甘草炙半錢

砂仁研細

右細切作一服加生姜二片水二盞煎至一盞溫服○如氣鬱加烏藥木香枳椇蘇乾姜倍香附砂仁○如濕鬱加白朮倍蒼木○如熱鬱加黃連倍梔子○如痰鬱加南

星枳壳小皂莢○如血虛加桃仁紅花牡丹皮○如食鬱
加山查神麩麥芽麩

升陽散○升發二陳湯治痰鬱火和在下焦大小便不利此藥

能使大便潤而小便長

陳皮去白 半夏一歲半 茯苓一歲 甘草半歲

換芎一歲 升麻 防風 柴胡各半歲

右細切作一服加生姜二片水一盞半煎至一盞溫服

升陽散火湯治熱鬱

火鬱湯二方並見火門

○一男子年二十九三月間房事後騎馬渡溪遇深淵沉沒
幸得馮健無事連濕衣行十五里抵家次日增寒壯熱肢
節煩疼似瘡非瘡之狀一醫作虛証治而用補氣血藥服
月餘不効又易一醫作勞瘵治用四物湯加知柏地骨皮

之類及丹溪大補陰丸倍加紫河車服至九月反加滿悶
不食乃顧倩有乳婦人在家止喫人乳汁四五杯不吃米
粒召予診視六脉皆洪緩重按若牢右手為甚予作濕鬱
處治用平胃散倍蒼朮加半夏茯苓白朮川芎香附木通
砂仁防風羌活加姜煎服黃昏服一貼一更時又進一貼
至半夜遍身發紅丹如癰疹片時遂沒而大汗索粥與稀
粥三碗由是前病皆減能食仍與前方服三貼後以茯苓
滲溫湯倍加白朮服二十餘貼平安

痰飲十一

論

內經曰諸氣臍鬱皆屬肺金蓋肺氣鬱則成熟熱盛則生痰
丹溪曰自然成積自積成痰七挾痰血遂成窠囊此為痞為
痛為噎膈翻胃之次第也王隱君曰痰証古今未詳方書雖

至要要太論
二十九條見

看懸飲留飲支飲痰飲諸飲之異而莫知其為病之源或頭
風目昏眩運耳鳴或口眼蠕動眉稜耳輪癢痒或四肢遊風
腫硬似痛非痛或為齒頰痒痛牙床浮腫而痛痒不一或噎
氣吞酸嘈雜嘔噦或咽嗝不利咯痰出嚔之不下色似煤炷
形如破絮桃膠蜆肉之類或心下如鴛水壘心頭冷痛時作
或夢寐奇怪鬼魅之狀或足腕痠軟腰背卒痛或四肢骨節
煩疼並無常所乃至手麻臂痛狀若挫閃或脊中每有一掌
如水凍之寒痛者或渾身習习如虫行者或眼沿溢痒口糜
舌爛甚為喉閉等証又或透項結核似瘰非瘰或膏腹間如
有二氣交組噎塞煩悶有如煙氣上衝頭面烘熱或為失志
顛狂或為風癱瘓或為勞瘵癆瘵之疾或為風痺及脚氣之
候或心下怔忡驚悸如畏人將捕或喘嗽嘔吐或嘔冷涎綠
水黑汁甚為肺癰腸毒便膿膿敗其為內外疾病非止百端

皆痰之所致也蓋津液既凝為痰為飲而淘湧上焦故口燥
咽乾流而下則大小便閉塞面如枯骨毛髮焦乾婦人則
經閉不通小兒則驚癇搐搦治法宜先逐去敗痰然後看虛
實調理故製沉香痰丸為通治三焦痰飲之要藥也愚竊
以其論証固詳不問虛實而以一峻藥攻之恐未中乎肯綮
也與蓋資稟有厚薄病邪有淺深一或失手何以收效故丹
溪有曰治痰用利藥過多致脾氣虛則痰反易生而多矣又
曰中焦有食積與痰而生病者胃氣亦賴所養卒不可便攻
攻盡則愈虛而病劇夫滾痰丸止可投之於形氣壯實痰積
膠固為病者若氣體虛弱之人決不可輕用也慎之慎之

脈法

要畧云脈雙弦者寒飲也

或大下後蓋虛

其脈偏弦者飲也○肺飲不弦但者踴短氣

又云脉浮而細滑者傷飲○脉弦數有寒飲春夏難治

脉沉而弦者懸飲內痛

其人短氣四肢歷節走痛脉沉者有留飲

要略作冬

陳無擇云飲脉皆弦微沉滑

或云左右手關前脉浮弦大而實者膈上有稠痰也宜吐之

而愈

病人百藥不効關上脉伏而大者痰也眼胞及眼下如炭煙

薰黑者亦痰也

格致錄

丹溪曰久得瀯脉痰飲膠固脉道阻澁也卒難得開必費調

理

方法丹溪方法

丹溪曰有熱痰有濕痰有酒痰有食積痰有風痰有寒痰有

老痰

○熱痰用青黛黃連及用青礞石丸最捷

○濕痰身多軟而重用蒼朮白朮又白濕痰用黃芩香附半夏

貝母熱痰加瓜蒌青黛

○酒痰用瓜蒌青黛蜜丸噙化

○食積痰用神麩麥芽山查或化痰丸消積藥攻之

○風痰用南星白附子

○寒痰用半夏盧氏註曰凝結清冷其狀若寒非寒也然亦有

老痰用海石香附半夏瓜蒌五倍子一云五倍子佐他藥大

治頑痰

○痰結核在咽喉嗽而不能出化痰藥加鹹能軟堅之味瓜蒌

仁杏仁海石桔梗連翹少佐以朴硝姜汁蜜丸噙化

○痰在脇下非白芥子不能連痰在四肢非竹瀝不行痰在腸

胃間可下而愈痰之為物隨氣升降故無處不到

○脉浮當吐痰在膈上必用吐膠固稠濁必用吐痰在經絡中
非吐不可吐中就有效散之義

○凡吐法宜先升提其氣用防風山梔川芎桔梗芽茶生姜之
類或就此藥探吐上時須先以布勒腰腹而於不通風
處行之

○吐法用蘿蔔子半升搗和以漿水一碗去粗入少油與蜜溫
服或用鰕半斤入醬葱姜等物料水煮先吃鰕後飲汁少
時以鷺翎探吐其鷺翎須先以桐油浸而以皂角水洗晒
乾待用如服瓜蒂藜蘆等藥不用探法自吐

○凡虛弱人中焦有痰胃氣亦賴所養卒不可便攻攻盡則愈
虛治痰用利藥過多致脾氣虛則痰反易生而多

○許季士用蒼朮治痰挾瘀血成窠囊行痰極効即神木丸也
油炒半夏大治濕痰又治喘止心痛丸生薑湯下

○燥濕痰星下丸

南星

半夏 各半兩

海蛤粉 三兩

右為細末姜汁浸蒸餅為丸青黛為衣如梧桐子大每服
三五丸姜湯送下

○中和丸治濕痰氣熱

蒼朮

黃芩

半夏

香附 各等分

右為細末姜汁調神麩糊為丸如梧桐子大每服五七十
丸白湯送下

○小胃丹上可取胸膈之痰不可利腸胃之痰能損胃不食胃

氣虛而少食者不可用

甘遂

麩

大戟

許長流水煮一
時

芫花


醋拌經宿
炒黑勿焦

已上各一兩重

大黃

酒拌濕焙一兩五錢黃柏二兩
用酒炒潤一兩五錢

我鳥ハトウトス



右為細末粥丸麻子大每服十丸溫湯送下

墜痰丸能利痰從穀道中出
風化硝 枳實黃麩炒 黑牽牛取藥五錢 生白礬三錢
猪芽皂角去皮孩酥 一本有貝母三錢

右為細末羅服注丸如梧桐子大每服五十九白湯下
鷄鳴時服先見尿次見痰右方無硝枳而用水九分兩亦不同

○青礪石丸能化痰降痰一云治食積去濕痰
風化硝三錢盆淨者冬月以 茯苓
青礪石煨碎如散子大以 半夏湯泡七次 黃芩各五錢

右為細末神麩糊入姜汁為丸如梧桐子大每服三五
九姜湯送下此藥重在風化硝○一方加蒼朮五錢滑石

一兩○一方無南星有白朮○一方有枳實倍青礪石
枳實馮痰能衝墻倒壁 黃芩治痰假其下火也 天花粉大能

散
雙六ノサイハト云

降上膈熱痰海粉熱痰能降濕痰燥頑痰能消

○人中黃飯丸如菽豆大每服十數丸白湯送下能降陰火清
痰又治食積

○痰因火盛逆上治痰為先白朮黃芩石膏之類
○凡久病陰火上升津液生痰不生血宜補血制相火其痰自

除血藥必用姜汁傳送
○痰成現吐咯不出氣鬱滯者難治

○脾虛者清中氣二陳湯加白朮之類兼用提藥
○實脾土燥脾濕是治其本

○肥黏皆二陳湯一身之痰都管治痰之要藥也欲下行加引
下藥上行加引上藥引上藥胡升麻防風之類又曰二陳

加并提之藥能使大便潤而小便長
陳皮去白 半夏湯泡七 茯苓一錢 甘草一錢

右細切作一服加生姜二片水一盞煎七分温服

芎藭湯治風濕痰等証
半夏泡七次 南星煨 甘草炙 茯苓銹 橘紅去 枳壳炙

右細切作一服加生姜五片水一盞半煎至一盞温服如
久嗽肺燥熱者去半夏加五味子九枚杏仁泥五分

芎藭湯治風痰壅盛
半夏湯泡七次 皂角皮炒黃 甘草炙一寸

右細切作一服入生姜二片水一盞煎七分温服

利膈化痰丸
南星煨裂 蛤粉 半夏湯泡 貝母去心
瓜棗仁去 香附去 皂角去皮 杏仁去皮
青黛焙 童便浸

右以前六味研為細末却以皂角杵碎煎濃汁搗杏仁如
泥再以姜汁和蒸餅為丸如菜菔大青黛為衣每服五十

丸姜湯送下
○滾痰丸治濕熱食積成窠囊老痰

大黃酒拌 黃芩去心 沉香銹 礞石礞煨黃金
右為細末滴水為丸如梧桐子大每服二五十九量入強

弱加減丸數

○神水丸治痰飲
蒼朮五分 生芫荽研細用水二小盞 大棗肉研細

右以蒼朮焙乾為末然後以芫荽麻漿及棗肉和勻丸如梧
桐子大每服五七十九温湯下

○黃芩利膈丸除胸中熱利膈上痰
生黃芩 炒黃芩 半夏 澤瀉

黃連各五分 天南星煨裂 枳殼麩炒 陳皮去白各三錢

白朮二錢 白礬五分

右為細末湯浸蒸餅入姜汁和為丸如梧桐子大每服三五

丹溪 ○蠲飲枳實丸逐飲消痰導滯清膈

枳實麩炒 半夏泡 陳皮去 黑丑半取頭末三兩

右為麩糊為丸如梧桐子大每服五十九丸姜湯下

問河 ○十棗湯治懸飲內痛

芫花 甘遂 大戟

右為細末以水一升半煮大棗十枚至八合去粗調藥末強入一錢弱以半錢平白服之不下更加五分下後以糜粥調養之河間曰芫花之辛以散飲二物之苦以泄水其甘遂直達水氣所結之處乃泄水之聖藥也然亦有大毒

人虛者不可輕用

○三花神祐丸治一切濕熱沉積痰飲變生諸病或風熱燥鬱

支體麻痺走注疼痛風痰涎嗽氣血壅滯不得宣通等証人壯氣實者可服

甘遂 大戟 芫花各半兩炒 黑丑二兩取

大黃一兩 輕粉一錢

右為細末滴豕為丸如小豈天初服五丸每服加五丸溫水下日三服加至快利後須服至病根盡除為度痞悶極甚者若便多服則頓攻不開轉加痛悶則當初服二丸每服加二丸至快利即止

問 ○控涎丹治患胸背脇頸項及手足腰膝隱痛不忍助骨牽引

釣痛時時走易乃是痰涎在胸膈間隨氣升降於經絡中作痛而然或手足冷痺氣脈不通誤認為癱瘓者

甘遂去心

大戟去皮

白芥子

主上氣發汗
膈有冷痰

右件各等分為細末糊丸如梧桐子大每服五十九淡姜湯下食後臨臥服量病人虛實加減丸數一方各妙應丸治驚痰加硃砂為衣痛甚者加全蝎酒痰加雄黃全蝎驚氣痰成塊者加穿山甲鱉甲玄胡索蓬莪木臂痛加木鱉子霜桂心執痰加盆硝寒痰加丁香胡椒肉桂

○半夏丸治肺執痰嗽

瓜婁仁礮

半夏湯泡七次去皮
脂焙乾各一兩

右為細末和勻姜汁打糊為丸服

○取竹瀝法

大治執痰及能養血清熱有痰厥不省人事幾死者得竹瀝灌之遂甦誠起死回生藥也

用冰竹早筆竹

俗名雷竹蘇東坡曰淡竹苦竹為文耳除最淡者以竹蓋取其為諸竹中之

截長一尺許每段劈作四片以薄磚一塊排定將竹片架於磚上兩頭露一二寸下以烈火追之兩頭以盆盛瀝六分中加姜汁一分服之痰熱甚者止可加半分耳

○取荆瀝法

能治熱痰功勝竹瀝但不補耳

○用黃荆截作短片灸取瀝同上法

○丹溪活套云二陳湯一身之痰無所不治但在下加引上藥

在下加引下藥如偏頭痛在右本方加川芎白芷防風荆芥薄荷升麻之類在左本方合四物湯亦加防風荆芥薄荷細辛蔓荊子柴胡酒片芩之類頭痛者本方加川芎葉本升麻柴胡蔓荊子細辛薄荷等藥如痰在腰膝膝下腫痛本方加蒼朮防已木通黃柏草薢川牛膝之類○如痰在胸腹中作痛或痞滿本方加白木神麩麥芽砂仁之類○如痰在脇下作痛或澀七直聾本方加柴胡青皮川芎為藥之類○如痰在經絡中或胸背手足臂膊作痛者在

上加防風羌活威靈仙在下加防己半膝木通之類冬月加
 烏附行經○如風痰壅盛喘急咳嗽不寧本方加防風羌
 活南星枳壳皂角之類○如熱痰為病腹脹喘滿本方加
 黃芩黃連梔子瓜婁子滑石石膏竹瀝之類○如濕痰身
 重倦怠本方加蒼朮白朮南星之類○如酒痰本方加葛
 根枳壳砂仁神麩麥芽之類○寒痰本方加乾姜附子益
 智草豆蔻之類○氣痰本方加水香檳榔砂仁枳壳烏藥
 香附之類○燥痰本方加瓜婁仁杏仁貝母五味子之類
 ○陰虛咯血痰嗽本方加天門冬麥門冬知母黃栢貝母
 款冬花紫苑馬兜鈴之類○如痰在中焦作噯氣吞酸胃
 脘當心而痛或嘔清水惡心等証本方多加白朮蒼朮神
 麩麥芽川芎砂仁草豆蔻枳實猪苓澤瀉黃連吳茱萸
 子仁木香檳榔之類作丸服之

○子姪婦何氏在室時四月間因多食青梅得痰飲病日間胸
 膈中大痛如刀錐至晚胸中痛止而膝胸大痛蓋痰飲隨
 氣升降故也一醫作胃寒治用乾姜良姜官桂烏附丁沉
 葷及煮胡椒粥間與病日劇加之口渴小水淋瀝求予治
 診其六脉洪數而滑予作清痰處治冷其急烹竹瀝服三
 日口不渴小水亦不淋瀝但胸中與膝互痛如舊用蘿蔔
 子研汁與半碗吐痰半升許至夜痛尤甚如前証丹溪所
 謂引動其猖狂之勢耳次日用人參蘆一兩逆流水煎服
 不吐又次日與苦參煎湯服又不吐又與附子尖桔梗蘆
 皆不吐一日清晨藜蘆末一錢入射香少許酸漿水調與
 始得大吐至次日天明吐方定前後得頑痰及稠飲一小
 桶許其痛如脫後以軟粥將理而安

如前証
 厥作而
 厥政

論

咳嗽十二

內經曰五藏六腑皆令人欬非獨肺也皮毛者肺之合也皮毛先受邪氣邪氣以從其合也五藏之欬嗽久乃移於六腑間曰欬謂無痰而有聲肺氣傷而不清也嗽謂無聲而有痰脾濕動而生痰也咳嗽謂有痰而有聲蓋因傷于肺氣動于脾濕欬而為嗽也脾濕者秋傷于濕積于脾也故內經又曰秋傷于濕冬必欬嗽木抵素秋之氣宜清肅反動之氣必上衝而為欬甚則動于脾濕發而為痰焉又曰寒暑燥濕風火六氣皆令人欬惟濕病痰飲入胃留之而不行止入于肺則為咳嗽假令濕在心經謂之熱痰濕在肝經謂之風痰濕在肺經謂之氣痰濕在腎經謂之寒痰為患不同宜隨証而治之是故欬而無痰者以辛甘潤其肺夫欲治欬嗽者當以治

痰為先治痰者必以順氣為主是以南星半夏勝其痰而咳
嗽自愈枳殼橘紅利其氣而痰飲自降痰盛而能食者小承
氣湯微下之痰盛而不能食者厚朴湯疎導之夏月嗽而發
熱者謂之熱嗽小柴胡加石膏知母冬月嗽而發寒熱謂之
寒嗽小青龍湯加杏仁此治法之太要也等者不可不知

脈法

關上脈微為欬 肺脈微急為欬而唾血
脈弦瀼而欬為少血 脈緊者為肺寒 双弦者寒
脈浮而緊者為虛寒 脈浮而緩者傷風脈細者濕
脈數為熱 脈沉數為實熱 脈弦為水
偏弦為飲 脈沉為留飲 洪滑多痰
欬脈浮直者生 脈浮濡者生 脈緊者死
沉小伏匿者死 欬而羸瘦脈堅大者死

欬而脫形發熱脈小堅急者死

凡肌瘦脫形熱不丟欬嘔腹脹且泄脈弦急者皆死証也

方法

丹溪曰欬嗽有風寒有久有勞有痰有肺脹

○風寒者舉發散行痰二陳湯加麻黃杏仁桔梗之類

戴氏曰風寒者鼻塞聲重惡寒是也

○風寒鬱熱于肺夜嗽者三拗湯加知母脈大而浮有熱加

黃芩生姜

○寒咳古方有以生姜切作薄片焙乾為末糯米糊為丸如

芥子大空心清米飲下三十九

○聲嘔為寒感寒而嗽者宜細辛半夏生姜辛以散之

○風入肺久嗽者用鵝管石雄黃蔚金欬冬花為末以生姜

一片置舌上以藥末拌艾於姜上炙之取烟入喉中愈

一方有南星佛耳草無葶金此即烟筒

○治嗽煙筒用鵝管石堆黃欬花佛耳草為末以鷄子清刷帚上捲藥末作筒燒煙以口啣吸煙入喉姜湯送下

○喘嗽遇寒則發此寒包熱也解表熱自除

枳殼 桔梗各一錢 麻黃 防風

甘草 陳皮 紫蘇 木通

黃芩 各等分

如嚴寒去黃芩加杏仁半錢

○感冷則嗽膈上有痰二陳湯加炒枳殼黃芩桔梗蒼木麻

黃木通生姜

○火者主降火清金化痰黃芩海石瓜麥青黛桔梗半夏香

附訶子青皮之類戴氏曰有聲痰蜜丸喻化

○乾咳嗽者係火鬱之甚難治乃痰鬱火邪在肺中用苦梗

喘

以開之下用補陰降火不已則成勞須行倒倉法此証不得忘者有之

○有痰因火逆上者必先治火然亦看痰火孰急若痰急先

治痰而後降火也

○勞者主補陰清金四物湯加竹瀝姜汁戴氏曰盜汗出兼痰多作寒熱是也

○陰虛火動而嗽四物合二陳順而下之加炒黃柏知母尤佳

○陰虛嗜嗽或吐紅者四物湯加知母黃柏五味子人參麥

門冬桑白皮地骨皮

○好色之人元氣虛弱咳嗽不愈瓊玉膏最捷

○肺虛甚者人參膏以生姜陳皮佐之有痰加痰藥此好色腎

虛者有之

○久嗽勞嗽用貝母知母各一兩以巴豆同炒黃色去巴豆再

用白礬白芨各一兩為末以生姜一片蘸藥時喻化藥

盡嚼姜燕之麥門冬陳皮阿膠珠各等分蜜丸噲化又方
有人參五味子

○咳嗽聲嘶者乃血虛受熱用青黛蛤粉蜜調服之

○醫說內一方治痰嗽用蚌粉新瓦上炒通紅拌入青黛少許

以淡鹽水滴入麻油數點調服

○痰者主豁痰戴氏曰嗽動便有痰聲痰出嗽止是也

○痰嗽用半夏麥子各五兩貝母桔梗各二兩知母一兩枳

殼一兩半為細末生姜汁浸蒸餅為丸服

○一方黃芩一兩半酒洗白芥子去殼滑石各五錢貝母南星

各一兩風化硝二錢半姜汁浸蒸餅為丸青黛為衣

○痰多喘嗽白朮半夏蒼朮香附杏仁各一兩黃芩五錢為末

姜汁調麩糊為丸服

○痰嗽因酒傷肺瓜麥杏仁俱餅黃連為末以竹瀝入紫蘇葉

煎再入韭汁調丸服○一方用青黛瓜麥蜜丸噲化以肺

○久嗽有積痰番肺腕中如膠氣不能升降或挾濕與酒而作

茜根俗名過山龍僵蚕炒海粉瓜麥仁蜂房杏仁神麩為末

姜汁竹瀝調噲化

○痰嗽氣急蒼朮三兩香附一兩半蘿蔔子蒸杏仁瓜麥仁半

夏各一兩黃芩茯苓各五錢川芎三錢丸服

○嗽而有痰宜灸天突穴肺腧穴以泄火熱瀉肺氣

○食積痰嗽發熱半夏南星為君瓜麥羅麻子為臣青黛海石

石礮為使姜汁浸蒸餅丸服

○食積痰嗽三補加二母炒為末丸如椒核大以竹瀝藕汁吞

之三補參連栝也

○肺脹者主收斂戴氏曰動喘滿

○肺因火傷極遂成鬱遏脹滿用訶子為君佐以海粉香附青

黛杏仁之類

○肺脹抑遏不得眠者難治

○凡嗽春是春升之氣夏是火炎於上秋是濕熱傷肺冬是風

來季寒外來用藥發散之後必以半夏等藥逐去其痰庶不作

○早晨嗽多者此胃中有食積至此時火氣流入肺中以知母

地骨皮降肺火上半日嗽多者胃中有火知母石膏降之

午後嗽多者屬陰虛四物湯加知母黃柏先降其火黃昏

嗽多者火氣浮乘肺不宜用涼劑以五味五倍斂而降之

○嗽而脇痛宜以青皮疎肝氣後以二陳湯加南星香附青黛

姜汁○二云實者白芥子之類

○嗽而心煩不安六一散加辰砂服

肥上皆○嗽而失聲潤肺散

訶子肉 五倍子

黃芩

甘草 各等分 右為細末蜜丸噙化

間河 ○嗽而無聲有痰

半夏 白朮

五味子

防風

枳殼 甘草

間河 ○嗽而有聲無痰

生姜 杏仁

五味子

升麻

防風 桔梗

甘草

○嗽而有聲有痰

白朮 枳殼 半夏

五味子

防風

久不愈 枳殼阿膠珠

○寒熱交作而痰嗽者小柴胡加知母之類一方加白芍藥五

味子桑白皮

○陰氣在下陽氣在上咳嗽嘔吐喘促瀉白散加青皮五味子

人參扶苓粳米

○熱嗽膏滿小陷胃湯方見傷寒門

○治嗽劫藥五味子湯

五味子 五錢

甘草 二錢半

五倍子

風化硝銍一

右為末蜜丸噙化或用訶子百藥煎荊芥穗蜜丸噙化

○治嗽最要分肺虛肺實若肺虛久嗽宜五味子款冬花紫苑

馬兜鈴之類補之若肺實有火邪宜黃芩天花粉桑白皮

杏仁之類以瀉之

○東垣曰治嗽必用五味子為君然有外邪者驟用之恐閉住

其邪氣必先發散之而後用之可也

○治嗽用訶子味酸苦有收斂降火之功五味子收肺氣乃火

熱必用之劑杏仁散肺氣風熱然肺實有熱因於寒者為

宜桑白皮瀉肺氣然性不純良用之多者當戒

或用馬兜鈴以其去肺熱補肺也多用生薑以其辛能發散也瓜蒌子甘能補肺潤肺降氣胃中有痰者以肺受火逼失降下之令今得甘緩潤下之助則痰自降宜其為治嗽之要藥也

溪冊 ○瓊玉膏治虛勞乾咳嗽

人參 十二兩

白茯苓 去皮淨者 二十五兩

白砂蜜 五斤煎

生地黄 去芦淨者十斤洗淨銀石器

沉香 五錢

琥珀 五錢 臞仙曰今予所製此方加沉香琥珀二味其効

異於世傳之方

右以人參茯苓沉香琥珀俱為細末先將地黃汁與白沙蜜攪勻用密絹攪去細粗入藥末攪勻入好磁瓶或銀瓶內用綿紙十數層外加箭箬包封扎瓶口入砂鍋內或銅鍋內以長流水浸沒瓶頸用桑柴文武火煮三晝夜取出換蠟帝教

重包扎瓶口浸沒井中半日以出火毒提起仍入前鍋內煮
半日以出水氣然後收藏每日清晨及午前後取一二匙用
溫酒一盞調服不飲酒人白湯亦可此法須用不聞鷄犬聲
處煨煉之及不許孝子婦人見之

方周

○九仙散治一切咳嗽久嗽及擊其惰歸之藥也

人參 欵冬花 桑白皮 桔梗 貝母 半錢

阿膠炒成 五味子 各一錢 烏梅 一個

豐粟殼去穢蒂蓋 右細切作一服加生姜三片水二盞煎至一盞溫服

方局

○三拗湯治風寒咳嗽喘急

麻黃根節 甘草生用 杏仁不去皮尖研

右細切作一服加生姜五片棗二枚水一盞半煎至一盞
溫服痰滑乃止

方局

○溫肺湯治肺感寒邪咳嗽吐痰

半夏 陳皮去白 五味子 乾姜炮

桂心各五分 杏仁研破炒 北細辛 阿膠炒成珠

甘草各二分

右細切加生姜三片大棗二枚水一盞半煎至一盞去粗

溫服患按此方乃冬月寒冷之時觸胃寒邪而

方局

○杏蘇飲治上氣喘嗽面目浮腫

紫蘇葉七分 五味子 大腹皮酒洗淨 烏梅肉

杏仁泥各五分 陳皮去白 桔梗 麻黃去根節

桑白皮蜜炙 阿膠珠各二分 紫苑茸三分 甘草各二分

右細切加生姜五片水一盞半煎至一盞溫服

丹溪活套云二陳湯治咳嗽去痰伐病根之藥也除陰虛血

虛火盛乾咳嗽者勿用○如血虛有痰者本方合四物湯加

五味子麥門冬瓜蒌仁之類○如傷風邪咳嗽本方加南星枳殼防風荆芥前胡細辛旋覆花之類○如傷寒邪咳嗽本方加麻黃杏仁桔梗乾姜桂枝之類○如傷熱邪咳嗽本方加黃芩薄荷知母石膏桔梗之類○如先傷風寒鬱熱久嗽不已欲成勞者本方加知母貝母款花紫苑五味子天麥二門冬馬兜鈴當歸生地黃之類○如傷風寒喘嗽並作本方加麻黃杏仁防風荆芥枳殼桑白皮桔梗地骨皮紫蘇之類○如咳嗽聲嘶引兩脇痛不可忍者本方加芍歸芍藥青皮柴胡草龍胆黃芩竹筍之類○如年久喘嗽遇風寒則發作者本方加紫苑款花桑白皮杏仁五味子知母石膏之類○不問風寒鬱熱勞嗽久嗽曾先服麻黃杏仁防風等藥病雖退減而病根未除者本方加栗殼烏梅阿膠五味子瓜蒌仁之類可一服而愈○凡諸嗽須分氣虛氣實新久用藥如新

咳嗽挾虛者可用入參風寒邪盛者亦不可用如久嗽已鬱執者切不可用入參反增喘滿嗽劇如肺虛久嗽加五味子款冬花紫苑茸馬兜鈴之類以補之若肺實而有火邪者宜桑白皮片黃芩天花粉杏仁枳殼桔梗之類以瀉之

○祖傳經驗潤肺除嗽飲治遠年咳嗽如神

人參 杏仁 生甘草 薄荷 各三分

五味子 九粒 款花 紫苑茸 麻黃

陳皮 去白 石膏粉 桔梗 半夏

桑白皮 蜜炙 枳殼 麩炒 烏梅 栗殼 去穰蜜炙

右細切加生薑三片細茶一撮水一盞半煎至一盞服

○祖傳三聖丹治久嗽極効

天南星 煨 兩 半夏 湯炮 七 甘草 生用 半兩

先以星夏二味研為細末用生薑自然汁拌勻合盞作麩春

論

秋七日冬十日夏五日取出再同甘草共研為細末別取淡竹瀝一碗將前藥末用竹瀝拌捏作餅子焙乾又將竹瀝沃濕又焙乾如此沃焙十數次待竹瀝盡為度研為極細末用白沙蜜調如餵每臨卧批一匙於口內噙化下再用竹瀝漱口噉之

哮喘 十三

內經曰諸逆衝上皆屬於火又曰夫起居如故而息有音者此肺之絡脉逆也河間曰火氣甚為夏熱衰為冬寒故病寒則氣衰而息微病熱則氣盛而息粗又寒水為陰主乎遲緩熱火為陽主乎急數是以寒則息遲氣微熱則息數氣粗而為喘也大抵哮喘以聲響名喘以氣息言夫喘促喉中如水雞聲者謂之哮喘氣促而連屬不能以息者謂之喘雖然未有不

在謂論

將本

本草

由痰火內鬱風寒外束而致之者與外有陰虛發喘氣從膈下起直衝清道而上者又有氣虛發喘而短氣不能以接續者是故知喘之為証有實有虛治法天淵之隔者也若夫損不足而益有餘者醫殺之耳學者不可不詳辨焉

脉法

○喘急脉滑而浮者生

瀉而數者死

○脉宜浮遲不宜急數

脉數有熱喘咳吐血上氣不得卧者死

刺一本作脈

上氣面浮腫有息脉浮大不治又加刺尤甚

上氣躁而喘者為肺脹欲作風水發汗則愈一云欬而上氣肺脹其脉沉心下有冰氣也

要畧千金外臺沉作浮

寸口伏胃中有逆氣尺寸俱沉關上無有者若心下喘

方法冊溪方法九十四條

丹溪曰喘急者氣為火所鬱而稠痰在肺胃也有痰者有水
炎者有陰虛自小腹下火起而上逆者有氣虛而致氣短
而喘者

○哮喘主於痰宜用吐法亦有虛而不可吐者謹之

○治哮喘必使薄滋味不可純用寒涼藥必兼散表

戴氏曰痰者九喘便有痰聲火交者作進作退得食則減
食已則喘大藥胃中有實火膈上有稠痰得食降下其痰
喘則暫止稍久食已入胃反助其火痰再升上喘反大其
俗不知此作胃虛治以燥熱之藥以火濟火也昔葉都督
患此証諸醫作胃虛治之不愈後以導水丸利五六次而
安氣短喘息者呼吸急促而無痰聲又有胃虛喘者擡肩
結肚喘而不休者是也

○痰者降痰化氣為主 火炎者降心火清肺金 陰虛痰喘

者補陰降火四物湯加枳殼半夏二云陰虛氣喘四物湯

加陳皮甘草些少以降氣補陰白芍藥須以酒浸日乾

○氣虛發喘以參芪補之而愈

○凡久喘未發時以扶正氣為主已發以攻邪為主

○喘急甚者不可用苦寒藥火盛故也宜溫劫之劫藥用椒目

五七錢研為極細末生姜湯調服喘止之後因痰治痰因

痰治痰

○千縉湯治痰喘不得卧人扶而坐數日一服而安 方見痰門

○一方用導痰湯合千縉湯服

○一方用蘿菔子二兩蒸熟皂角伍錢燒存性瓜蒌仁海粉南

星用白礬一錢半研細各一兩為末煉蜜為丸方用薑化

○一方治喘而嗽用南星瓜蒌半夏香附橘紅蘿菔子青黛皂

角為末神麩糊丸姜湯送下 方有杏仁

○喘用阿膠須分虛實若冬病發喘必是肺虛故用阿膠人參

五味子之類補之若新病肺實而發喘者宜桑白皮葶力

子麻黃杏仁之類瀉之東垣曰久嗽鬱熱在肺不用人參
新病未成鬱熱者用人參未知孰是

肥上皆○氣實人因服黃芪過多而喘者宜服三拗湯以瀉氣

○三拗湯治肺感風寒喘急不已方見咳嗽門

間河○葶藶大棗瀉肺湯治肺壅脹音膈滿悶上氣喘急身面

目浮腫等証

○葶藶子不拘多少炒黃為末

右以水三盞大束十枚煎至一盞去棗入葶藶一九再煎

至一盞溫服之

○濟生葶藶散治過食煎煇或飲酒過度致肺壅喘不得臥及

肺癰咽燥不渴濁唾腥臭

甜葶藶子炒 桔梗去芦 瓜蒌子 升麻

薏苡仁 桑白皮蜜 葛根各八分 甘草四分

右細切作一服加生姜五片水一盞半煎至一盞溫服

○瀉白散治大人小兒風寒傷肺喘急咳嗽

桑白皮一錢 地骨皮一錢 生甘草半錢

右細切作一服加姜水煎服一方加防風荆芥各七分

半又方加麻黃杏仁各半錢其效尤捷

○祖傳經驗秘方治遠年喘急

桑木內蠶虫糞一升炒 羅服子半升炒

杏仁半升不去皮尖炒 甘草二兩生

右共為極細末湯浸蒸餅為丸如梧桐子大每服五七十九

淡姜湯送下

○又方治哮喘用葶麻根和砂糖爛煮時嚼嚥下永絕病根

神効

○又方用猫兒頭骨燒灰酒調二三錢一服便止

○又方用郭公每刺根煎服即止而不發

○東陽一羽士年伍拾餘素有喘病九月間得發執惡寒証喘

甚脉洪盛而似實一醫作傷寒治而用小柴胡湯加枳殼
陳皮等藥六月後欲行大承氣一醫曰不可當作傷食治
宜用枳實導滯丸爭不決召予視之二醫皆曰脉實氣盛
當瀉予為疹後曉之曰此火盛之脉非真實也觀其短氣
不足以息當作虛治而用補中益氣湯加麥門冬五味子
入附子三分煎服一貼脉收斂四貼而病輕減六貼病痊
安

論

瘧証

十四

內經曰夏傷於暑秋為瘧瘧又曰先寒而後熱者名曰寒瘧
先熱而後寒者名曰溫瘧其但熱而不寒者名曰瘧瘧并溪
曰瘧瘧皆生於風瘧瘧者老瘧也以其隔二日一作纏綿不
去古方多用峻劑恐非稟受怯弱與居養所移者所宜殆悟
常山烏梅砒丹劫劑或誤投之輕病變重重者必危夫三日
一作者邪入於三陰經也作於子午卯酉日者少陰瘧也作
於寅申巳亥日者厥陰瘧也作於辰戌丑未日者太陰瘧也
瘧得於暑當以汗解或因取涼太過汗鬱成痰其初感也弱
者即病胃氣強者伏而未動至於再感復因內傷其病乃作
宜其難差夫感暑與風皆外邪也故非汗多不解今之違此
疾者已經再三劫試胃氣重傷何由得愈欲治此証必先與

陰陽應象大論
生氣通天論
瘧論

瘧

參朮等補劑為君加柴葛等發散藥漸而收汗得汗而虛又
行補養下軀屬陰最難得汗補藥力到汗出至定方是佳兆
又有感病極深邪氣必自藏傳出至府其發無時若發於午
之後寅之前者血受病也為難愈須漸趨早亦佳兆也治斯
疾者春夏為易秋冬為難大忌飽食遇發日食飽病愈加重
尤當以汗之難易較輕重也內經又曰瘧之且發也陰陽之
且移也必從四末始陽已傷陰從之故先其時堅束其處食
邪氣不得入陰氣不得出審候見之在孫絡盛堅而血者皆
取之謂用三稜此直往而未得併者也故今人多以諸般
草藥於臂膊內縛之即此遺意耳外有陰虛証每日午後惡
寒發熱至晚亦得微汗而解脈必虛濡而數且瘧脈弦而虛
脈不大弦為辨耳若誤作瘧治而用常山砒丹及柴胡乾葛
等藥多至不救醫者宜以脈証參驗其虛實而瘧之母縱巨

膽以殺久也

脈法

要畧曰瘧脈自弦弦數多熱弦遲多寒弦而小緊者下之瘧
弦遲者宜濕弦緊者可發汗針灸浮大者可吐之弦數者風
發也以飲食消息止之

脈經云瘧脈自弦微則為虛代散則死

方法丹溪方十六條

丹溪曰有暑瘧有風瘧有濕瘧有痰瘧有食瘧三日一發者
受病一年間日一發者受病半年一日一發者受病一月
連發二日住十日者氣血俱受病俗名脾寒乃因名而迷
其實也苟因飲食所傷而得之未必是寒況其他乎

○暑瘧宜參白虎湯之類
○有痰者二陳湯加常山草菓柴胡黃芩

取

○不能食者必於飲食上得之當從食治

○虛者必用參朮一二貼托住其氣不使下陷後用他藥若無

汗要有汗散邪為主帶補若有汗要無汗扶氣為主帶散邪

○數發之後便宜截而除之久發則得中氣虛弱病邪已深而

難治世有砒丹毒截藥有天毒不可輕用

○太渴大熱用小柴胡去半夏加知母麥門冬黃連黃柏梔子

天花粉

○瘧渴用生地黄麥門冬天花粉牛膝知母炒黃柏乾葛生草

○久瘧二陳湯加川芎蒼朮柴胡葛根白朮一補一發藥也

○甚者發寒熱頭痛如破渴而飲水多汗可以參芪苓連梔子

川芎蒼白朮之類治之

○痰滯胸滿熱多寒少大便燥實大柴胡利之愈

○久瘧不得汗以二陳湯倍加蒼朮白朮少加檳榔

○輕

○小兒瘧疾者有痞塊生地黄芍藥各一錢半陳皮川芎炒黃

芩半夏各一錢甘草二分加生姜煎調醋炙醫甲末

○瘧母用丸藥消導之醋醫甲為君三稜蓬朮香附海粉青皮

桃仁紅花神麩麥芽隨証加減為丸醋湯送下

○老瘧係風暑入在陰分宜用血藥引出陽分而散川芎撫芎

當歸紅花蒼朮白芷黃柏甘草煎露一宿服之

○瘧瘡老瘡也三日一發陰經受病也夫瘡得於暑當以汗解

或處涼冷汗不得泄鬱而成痰又復嗜慾縱飲及經誠

劫藥胃氣大傷其病難愈必先與參朮陳皮芍藥等劑佐

以本經引用之藥若得汗而身虛又須重補俟汗通身不

過委中方是佳兆仍節飲食避風寒遠房勞無不愈者

○截瘧常山飲

川常山

草菓

檳榔

知母

炙甘草

烏梅

穿山甲

慢火煨胖

右各等分細切每服五錢水酒各半盞煎至八分露星月一宿清晨冷服之欲吐則順之忌熱湯下日然常山性暴悍善驅逐痰飲大傷真氣病人稍虛弱者戒勿輕用

方局 ○截瘡七寶飲

常山一錢 厚朴

青皮

陳皮

炙甘草

檳榔

草菓仁 各半錢

右細切作一服酒水各半盞寒多加酒熱多加水煎八分

○東垣曰夏月天氣上行秋月天氣下行治者當順天道如先寒後熱太陽陽明病白虎加桂也此天氣上行宜用之若天氣下行則不宜瀉肺宜瀉命門相火則可矣亦有內傷冷物而作者當先調中後定瘡形治隨應見乃得康寧亦

熇熇也廣韻
熇熇也廣韻
熇熇也廣韻

揚々說文

日復雲轉
見也廣韻
日無光

解佈者即謂
之曰寒則寒
不見甚謂之曰
熱則熱不見
甚是也
刺底語

有久而不瘥者當求虛實以脉為期虛補實瀉可使容疾此之謂也

太陽証令人腰痛頭重寒從背起先寒後熱熇熇腸鳴然

熱止汗出難已者活加桂地黃湯小柴胡加桂湯

陽明証令人先寒洒淅寒甚久乃熱去汗出喜日月光

火氣乃快然桂枝白虎湯黃芩芍藥加桂湯

少陽証令人身體解休寒不甚熱不甚惡見人見人心惕

惕然熱多汗出甚小柴胡湯

太陰証令人不樂好太息不嗜食多寒熱汗出病至則善

嘔已乃衰小建中湯異效散

少陰証令人悶嘔吐甚多寒熱多寒少欲閉戶牖而處

其病難已小柴胡加半夏湯

厥陰証令人腰痛小腹痛小便不利如癰狀數便恐懼

非癰也素問
意恐懼

刺底語

刺底語

悒 說文不安也
从心邑聲
徐曰憂悒

醫藥正傳

卷之二

六一

氣不足腹中悒悒四物玄胡苦練附子湯

活人 ○白虎加桂枝湯治溫瘧

知母四錢 甘草一錢 石膏五錢 桂枝一錢

梗米合

右以水三盞煎米至一盞去米入諸藥再煎至一盞溫服
三服汗出愈

鑑室 ○溫脾散治久瘧不愈

紫河車 俗名金線重樓菴豆 各一兩 甘草半兩

信砒 一兩半研細

右為細末入砒一處研勻每服半錢新汲水少許調下須
於發日隔夜夜深服藥忌葷酒瓜果生冷魚腥鷄肉等物
三百孕婦勿服但至誠合此藥與久並不吐此雖有砒一
味而有河車菴豆甘草二味及新汲水皆能解毒不効

按已上一方劫病之捷勝於他方但虛弱或久病羸
瘦之人終不可輕用如服上藥吐不止者以生棗五
細研新汲水調飲多即止

○丹溪活套云凡瘧証或連日或間日發作惡寒發熱腰背頭
項俱痛此屬太陽經瘧也宜二陳湯加麻黃羌活藁本防
風之類○如連日或間日發作先寒後熱或寒少熱多或
但熱不寒日痛鼻孔燥此屬陽明經瘧也宜用二陳湯加
乾葛升麻石膏知母白芷之類○如連日或間日發作或先
寒後熱或寒熱間作脇痛口苦或嘔吐惡心此少陽經瘧
也宜二陳湯倍加柴胡及黃芩人參青皮之類○如於
子午卯酉日發寒熱嘔吐舌乾口燥此少陰經瘧也宜二
陳湯加川歸川芎黃柏黃連柴胡之類○如辰戌丑未日
發寒熱嘔吐不嗜食或腹滿自利此太陰經瘧也宜二陳

湯加蒼白木柴胡為藥之類。○如於寅申巳亥日發惡寒發熱寒多熱少或腹痛引陰如淋狀善恐此厥陰經瘧也。宜用二陳湯加桂枝附子乾姜之類。大抵瘧屬三陽宜汗宜吐麻黃葛根柴胡常山草菓烏梅之屬治之瘧屬三陰宜下宜溫宜和。太柴胡湯柴胡桂姜湯柴胡四物湯附子埋中湯之類選而用之。

○祖傳經驗截法神方

木通

秦光

常山

川山甲醋炙黃 一錢

辰砂半錢

烏梅七箇

大棗七個

右細切以水三盞煎至一盞先以棗和辰砂末食後服藥

○一方用常山草菓知母檳榔各一錢酒一盞浸下日臨發日早服

○又方治久瘧不愈一服便止永不發其效如神

常山一錢半 檳榔一錢 丁香半錢 烏梅一箇

右細切作一服用好酒一盞浸下宿臨發日清晨飲之

○予壯年過杭同舟有二男子皆年踰四十五各得瘧瘧三年矣俱發於寅申巳亥日一人晝發於巳而退於申一人夜發於亥而退於寅予曰但到杭可買藥俱與痊可晝發者乃陰中之陽病宜補氣解表與小柴胡湯倍柴胡人參加白木川芎葛根陳皮青皮蒼木夜發者為陰中之陰病宜補血疎肝用小柴胡合四物湯加青皮各與十貼教其加姜棗煎於未發前一時服每日一貼服至六貼同白得大汗而愈永不舉

氣交變大論

論

霍亂十五

內經曰歲土不及風乃大行，民病飧泄霍亂。體重腹痛，筋骨
 緜，併陳無擇曰：霍亂者，心腹卒痛，嘔吐下利，愴寒壯熱，頭痛
 眩暈，先心痛則先吐，先腹痛則先利，心腹齊痛，吐利並作，甚
 則轉火入腹，即死。蓋陰陽反戾，清濁相干，陽氣暴升，陰氣頓
 墜，陰陽否隔，上下奔趨，河間曰：吐瀉不止者，其本在於中焦。
 或因渴而大飲，匕而過量，或因飢而始食，食而過飽，以致濕
 熱內甚，故陰陽交錯而不和，是為吐瀉。仲景曰：邪在上焦則
 吐，邪在下焦則瀉，邪在中焦則既吐且瀉。此為急病也。然吐
 瀉利為急，十死其一。工一如揮霍，撥亂而不得吐瀉者，此名乾霍
 亂也。多死。法曰：既有其入，必有所出。今有其入而不得其出
 者，不塞也。故轉筋吐瀉者，其氣有三：一曰火，二曰風，三曰濕。

醫經正轉


卷之三

六十九

醫經正轉

卷之三

六十九



方考云結暈時正曰結
有結滯之文脈脈之極
也陽盛而陽不結久之
致有以脈為一微結為寒
氣張其沙滑結促皆皆
病脈則逆死可知

大抵霍亂吐瀉之証皆風水濕熱之為害耳治法宜分利陰
陽散風行濕而降火也又當引清氣上升使濁氣下降無有
不安仲景又曰熱多欲飲水五苓散寒多不欲水理中丸河
間亦曰凡覺此証急用五苓散益元散桂苓甘露散乃吐瀉之
聖藥也慎勿與粟米粥湯入胃必死丹溪曰內有所積外有
所感陽不升陰不降乖隔而成非因鬼邪皆飲食所致此先
哲確論也切勿與穀食雖米湯一呷下咽立死必待吐瀉止
過半日飢甚方可與稀粥少食以漸而將息也學者詳之

脈法
脈微而澀 或代而散 或隱而伏 或大而虛
脈右關滑為霍亂吐瀉 或隱而伏 或大而虛
脈太者生 脈結促代皆不可斷以死
脈弦者為熱 脈弦者為熱
脈微者為寒 脈微者為寒
脈弱者為死 脈弱者為死
脈洪者為瀉 脈洪者為瀉
脈沉者為瀉 脈沉者為瀉
脈浮者為瀉 脈浮者為瀉
脈數者為瀉 脈數者為瀉
脈遲者為瀉 脈遲者為瀉
脈滑者為瀉 脈滑者為瀉
脈澀者為瀉 脈澀者為瀉
脈結者為瀉 脈結者為瀉
脈代者為瀉 脈代者為瀉
脈促者為瀉 脈促者為瀉
脈微者為瀉 脈微者為瀉
脈弱者為瀉 脈弱者為瀉
脈虛者為瀉 脈虛者為瀉
脈空者為瀉 脈空者為瀉
脈絕者為瀉 脈絕者為瀉

氣口脈弦滑膈間有宿食番飲宜順其性以鹽湯探吐之
方法 丹溪方法九七條

丹溪曰大法生薑理中湯最好
有宜吐者雖自吐利還須以吐法提其氣用一陳湯探吐
或樟木屑煎湯或鹽湯皆可吐之

○一方蒼木厚朴陳皮乾葛各一錢半水煎服

○或用姜湯下保和丸四五粒

○轉筋屬血執四物湯加酒芩紅花蒼木南星煎服

○轉筋男子以手挽其陰女子以手牽乳兩傍此千金妙法也

乾霍亂不瀉者是也俗各病腸瀉即是難治死在頃更升降

不通故也宜吐以提其氣最是良法內有物所傷外為邪

氣所逼太法宜發汗有用吐法者即煎發散之義有用溫

藥解散者一陳湯加川芎蒼木防風白芷等解散藥也

○委中穴出血或十指頭出血皆是良法
間○桂苓甘露飲五苓散二方並見中暑門

○半夏湯治霍亂轉筋吐瀉不止

半夏麴 茯苓 白朮各五錢 淡桂二錢半

炙甘草一錢

右為細末每服二錢渴者以涼水調下不渴者以溫水調下不拘時候

方局 ○理中丸

白朮 人參 乾姜 甘草各等分

右為細末煉蜜為丸如彈子大每服一丸涼水化下

間河 ○六和湯治霍亂吐瀉不止

白朮 半夏 砂仁 杏仁 人參 甘草各五分 赤茯苓 藿香

考白邪在上焦則吐邪在中焦則瀉邪在下焦則既且瀉若曰霍亂

白扁豆 姜汁 木瓜 各一錢 香薷 厚朴 姜汁 製炒 各二錢

右細切加生姜三片大棗一枚水二盞煎至一盞溫服

要机 ○漿水散治暴泄如永周身汗出盡冷脉弱不能言語甚而吐逆不止

半夏二錢 附子 乾生姜 炙甘草

桂心各半錢 良姜 三分半

右細切作一服漿水煎服之

活人 ○姜附湯治霍亂吐瀉轉筋手足厥冷多汗方見傷寒門

方局 ○理中湯治過食生冷遂成霍亂吐瀉食不消心腹滿悶不

快加青皮陳皮名治中湯更加丁香附子名丁香治中湯宜臨病斟酌施治方見傷寒門

○祖傳灸法治霍亂已死而胃中尚有暖氣者灸之立甦其法以鹽填滿脐孔灸之不計壯數

○又法治霍亂吐瀉不止灸天樞氣海中脘四穴立愈
天樞二穴在臍心兩傍各開二寸氣海中脘一穴在臍下
寸半中脘一穴在臍上四寸

○洗法治霍亂轉筋用太蓼一握水煮薰洗立効

○丹溪活套云凡霍亂不渴用生薑理中湯如渴用五苓散加

五味子麥門冬滑石轉筋用四物湯加酒芍紅花南星蒼

朮文夏月用理中湯夏月用黃連香薷散放井中浸水冷

頻服乃効一方治吐瀉用藿香蒼朮厚朴陳皮砂仁白

芷甘草半夏茯苓人參炒神麩各等分水煎遇寒加乾姜

寒甚加附子

泄瀉 十六

論

陰陽應象大論
六元正氣大論

肉泄曰濕勝則濡泄又曰春傷於風夏必飧泄又曰暴注下

迫皆屬於熱又曰諸病水液澄徹清冷皆屬於寒叔和云濕

多成五液是故知風寒濕熱皆能令人泄瀉但濕熱良多而

風寒差少耳原病式曰瀉白為寒青黃赤黑為熱也大抵瀉

利小便清白不澁為寒赤澁為熱又大便完穀不化而色不

變吐利不腥穢水液澄徹清冷小便清白不澁身冷不渴脉

遲細而微者皆寒証也凡穀肉消化無間色及他証便斷為

熱夫寒泄而穀消化者未之有也或火性急速傳化失常完

穀不化而為飧泄者亦有之矣仲景曰邪熱不殺穀然熱得

濕則為飧泄也噫寒熱二証水炭相反治之者差之毫厘謬

以千里者也醫者可不謹乎

脉法

肉經曰脉細皮寒少氣泄利前後飲食不入是為五虛死其漿粥入胃泄注止則虛者活

脉經曰泄注脉緩時小結者生浮大數者死

又洞泄食不化不得雷下膿血脉微小流連者生勁急者死

脉訣云下利微小則為生脉大浮洪者無差日

方法 丹溪方法九十二條

丹溪曰泄屬氣虛有火有痰有食積者

戴氏曰凡瀉水腹不痛者濕也飲食入胃不任宗穀不化者氣虛也腹痛瀉水腸鳴痛一陣瀉一陣者火也或瀉或不瀉或多或少者痰也腹痛甚而瀉後痛減者食積也

○燥濕四苓散加蒼朮倍白朮甚者二朮炒為末米飲調服
○氣虛用人參白朮芍藥

滑

○火宜伐火利小便四苓散加滑石黃芩梔子木通

○痰宜伐痰海石青黛黃芩神麴為丸服或用吐以提其清氣

○食積宜消導疎滌之神麴太黃枳實之類

○水瀉用蒼朮厚朴陳皮炒麴茯苓澤瀉地榆甘草加乾姜等分煎服

○泄瀉水多者必用五苓散

○夏月水瀉桂苓甘露飲 二方並見暑門

○治泄瀉諸藥多作丸子効

○脾胃不和泄瀉者胃苓湯五苓合平胃散是也

○世俗例用瀉藥治瀉者病久而虛者或可若初得者必變他証為禍不小殊不知瀉多因於濕分利小便為上策也

○清六九治泄瀉

六一散 一料加紅麴伍錢

右為細末湯浸蒸餅為丸服

○温六九治泄瀉或蒸嘔吐者

六一散加乾姜或生薑汁亦可蒸餅丸服

○姜麴丸治食積瀉

陳麴 茴香 各五錢 生薑 一兩

右為細末蒸餅丸服

○止瀉方

肉豆蔻 五錢 白滑石 二兩 春冬一兩 二錢 半夏

右為細末姜汁調神麴作糊為丸服

肥上皆○脾泄丸

白朮 神麴 芍藥 並炒各等分

冬加肉豆蔻去芍藥為細末神麴糊為丸服

堧 ○茯苓湯治因傷冷飲水泄瀉注下 一 夜十餘次變作白痢

燥李

或變赤白相雜腹中疴痛食減熱躁四肢沉困無力

生黃芩 一錢 當歸 二錢 肉桂 炙甘草 各二分半

猪苓 茯苓 各三分 澤瀉 五分 芍藥 七分半

蒼朮 生甘草 升麻 柴胡 各一錢

右細切作一服水二盞煎至一盞稍熱服

堧 ○黃芪補胃湯治一日大便三四次澹而不多有時作泄腹

中鳴小便黃

黃芪 柴胡 當歸身 益智

橘紅 各一錢 升麻 二錢 炙甘草 半錢 紅花 少許

右切細作一服水二盞煎至一盞稍熱食前服

堧 ○升麻除濕湯自下而止者引而去之 井秘藏等皆作陽

蒼朮 一錢 柴胡 五錢 羌活 防風

升麻 神麴 澤瀉 猪苓 各五分

升麻

神麴

澤瀉

猪苓

考白或曰痛海何以不
貝之傷食余曰傷食
必痛得之便減今
以痛不止故責之去賊
不賊也

三溪丹

炙甘草 陳皮 麥蘗麩各三分
右細切作一服水二盞煎至一盞去粗空心服如胃寒腸
鳴加北豆智仁半夏各五分生姜三片大棗一枚同煎非腸
鳴勿用

○劉重志治痛泄要方

白木二兩炒 白芍藥二兩 陳皮半兩 防風一兩

右細切分作八服水煎或丸服冬瀉加升麻六錢

要批 ○白木芍藥湯治太陰脾經受濕水泄注下體重微滿困弱
無勞不欲飲食水穀不化宜此和之身重暴下是太勢來

亦宜和也

白芍藥 各四錢 甘草二錢

白木 右細切作一服水二盞煎至一盞溫服

要批 ○茯苓湯治濕瀉又治食積濕熱作瀉

白木 茯苓各五錢

右細切作一服水煎食前服一方有芍藥二味各等分名

白木散為末米飲調下

要批 ○蒼木芍藥湯治証如前

蒼木五錢 芍藥一錢半 黃芩一錢半 淡桂五分

右細切作一服水一盞煎至一盞溫服

要批 ○防風芍藥湯治發泄身熱脈弦腰痛微汗

防風 芍藥 黃芩各二錢

右細切作一服水煎空心服

要批 ○蒼木防風湯治泄瀉脈弦頭痛

蒼木二錢 防風一錢 白木四錢 麻黃一錢

右細切作一服加生姜五片水二盞煎至一盞食前服

要批 ○良方神木散治春傷於風夏必發泄之証

醫學正傳

卷之三

蒼木一錢半 藁本

川芎各六分 羌活四分

并草 炙三分 細辛二分

右細切作一服加生薑三片水一盞煎至一盞去粗溫服如欲汗加葱白三莖

芎 ○胃風湯治証如前及治風冷乘虛入客腸胃米穀不化泄瀉注下及腸胃濕毒下如豆汁或下瘀血或如魚腦日夜無度久不得愈者方見中風門

丹溪活法云泄瀉注下如水用生料五苓散加蒼木車前子倍白木為米湯調服○濕熱甚下泄如熱湯者本方去桂加滑石黃芩梔子木通之類○如腹中疝痛下泄清冷喜熱羊盪熨口不燥渴乃寒泄也本方倍桂加肉豆蔻有氣加木香病甚者更加丁香附子作丸服○如父泄穀道不合或脫肛此元氣下陷及大腸不行收令而然用白木

芍藥神麩陳皮肉豆蔻柯子肉伍倍子烏梅為丸以四君子湯加防風升麻煎湯送下○如食積時常腹痛瀉積先以木香檳榔丸或東垣枳實導滯丸推逐之而後以四苓加厚朴蒼木神麩麥芽之類作丸服之以安胃氣○如瀉水腹不痛者屬氣虛宜四君子湯倍白木加黃芪升麻柴胡防風之類補以提之而愈

○祖傳經驗秘方治暴泄注下用

車前子微炒 右丁味研為細末清米飲調服

艾葉 車前葉 各一握陰乾

右先將一葉細切用水二盞煎至一盞去粗入薑汁再煎一沸稍熱服立愈

一人泄瀉日夜無度諸藥不効偶得一方用針破地龍猪苓三味共為細末生葱搗汁調方七貼臍上小便便長而瀉

86
4922

正傳二之終

○一人吐瀉三日垂死^{トキ夫ニ}囑付^ス後事^ヲ予^ニ為^ス家^ヲ天^ヲ樞氣海^ニ一穴立止^ル

正傳二之終
止
卷之二
七十六

